

四庫全書

史部

欽定四庫全書

史部

福建通志卷七十六

詳校官監察御史_臣陳化龍

檢討_臣德生覆勘

總校官檢討_臣何思鈞

校對官助教_臣胡子襄

謄錄監生_臣吳之承

欽定四庫全書

福建通志卷七十六

藝文

九

詩

五言古

六朝宋沈懷遠次綏安

自蒙忝良時寬恩荷明牧叨乘使者傳來按荒人獄閩方信阻

狹茲地亦豐沃蒼山繚萬尋漲海涵千谷高秋桂尚榮隆冬泉更燥在昔漢世宗開疆窮所欲餘善既辭師建德仍伐木番禺竟灰燼治南亦淪覆至今遺父老能為古風俗陰巖猿畫嘯陽畝杭先熟桴子練葛衣樵人薜荔屋矜爾為生微誨子從不辱

梁江淹黃蘗寺

長望竟何極，開雲連越邊。南州多奇怪，赤縣饒靈仙。金峰各虧日，銅石共臨天。

陽岫照鸞采，陰溪噴龍泉。机殘千代木，廡萃萬古烟。禽鳴丹壁上，猿嘯青巖間。秦皇慕隱淪，漢武願長年。皆負雄豪威，棄官為名山。况我葵藿志，松木橫眼前。所若同遠好，臨風載悠然。

西巖山遷陽亭

擎淚訪亭侯，茲地乃閩城。萬古通漢使，千載連吳兵。瑤澗負嶄翠，銅山鬱

縱橫。方水埋金艘，圓岸伏丹瓊。下視雄虹照，俯看綠霞明。桂枝空命折，烟氣坐自驚。劍逕羞前檢，岷山慙舊名。伊我從霜露，僕御復孤征。楚客心命絕，一願聞越聲。

渡泉嶠

岑峯蔽日月，左右信艱哉。萬壑共馳騖，百谷爭往來。鷹隼既厲翼，鮫魚亦曝腮。崩壁送枕

卧，蘄石屢盤迴。伏波未能鑿，樓船不敢開。百年積流水，千歲生青苔。行行詎半景，予馬以長懷。南方天炎

火魂兮
可歸來

陳顧野王送人之綏安

谷風揚暖律扶旭開餘靄蘭芽
被平臯氷澌泮微瀨悟彼芳歲

心愜此賞心會緜竹邯鄲娼朋遊鄴中蓋貢橋偉含
滋仙鮪妙飛鱸峻嶒眺廣嶽浩溔窮溟海衆賓悅禮

過遠俗懷仙愛操翰
本非工無譏比曹鄴

隋孔德紹隱泉山

名山狎招隱俗外遠相求還如倒景
望忽似闔風遊臨巖俯大壑披霧仰

飛流歲積松方偃年深椿欲秋野花開石
鏡雲葉掩山樓何須問方士此處即瀛洲

唐歐陽詹同諸公過福先寺

律座下朝講畫門猶掩關
叨同靜者來正值高雲間

寂爾方丈內瑩然虛白間千燈智慧心片玉清羸顏
松色落深井竹陰寒小山晤言流曦晚惆悵歸人寰

顧況酬漳州張使君

故人窮越徼狂生起悲愁
山海萬里別草木十年秋
鞭馬廣陵橋出

祖張漳州促膝墜簪珥
關幌憂琳球短題自茲簡
華篇詎能酬無階承明庭
高步相追遊南方榮桂枝
凌冬捨溫裘猿噙郡齋中
龍靜檀樂流薜鹿莫
狺洞網魚廬亭洲心安處
處安處思遐陬

李頻東溪泛舟

登岸還入舟水禽驚笑語
晚葉低衆色濕雲帶殘暑
落日乘醉歸溪流復

幾許

黃滔送僧歸北巖

北巖泉石清本自高僧住
新松五十年藤蘿成古樹
題詩昔佳士清

風二林俞上智失扣闕多被浮
名誤蓮局壓月澗空
羨黃金布江翻鳥嶼沉木落樓
臺露伊予東還際每
起烟霞慕旋為儉府招未得窮
野步西軒白雲閣師辭洞庭寓
越城今送歸心到焚香處

韓偓南亭

每日在南亭南亭似僧院人語靜先聞鳥啼深不見松瘦石稜稜山光溪澗澗澗蔓

墜長茸島花垂小簷行替隱士冠卧讀先賢傳更有興來時取琴彈一徧

釋惠顓鄰霄臺

平臺屹峰巔去天不盈尺雲來隱巖巖雲散露形跡長嘯視大荒煩襟盡

水釋不知身世遠但覺乾坤窄一勺滄溟浮萬家烟樹隔解衣恣盤礴謝我山水癖極目送斜暉寥寥海

碧天

宋王安石送李宣叔倅漳州

關山到漳窮地與南越錯山川鬱霧毒瘴癘春冬作

荒茅篁竹間蔽虧有城郭居人特鮮少市井宜蕭索野花開無時蠻酒持可酌窮年不用客誰與分杯杓朝廷尚賢俊磊砢充臺閣君能嘉節行文藝又該博超然萬里去識者為不樂予聞君子居自可救民瘼

苟能禦外物，得地無美惡。似聞最南方，北客今勿藥。
林麓換風氣，獸蛇蝮毒蠱。如漳猶近州，氣冷又銷鑠。
珍足海物味，其厚為不薄。章舉馬甲柱，固已輕羊酪。
蕉黃荔子丹，又勝渣梨酢。逢衣比多士，往往在邱壑。
從容與笑語，豈不慰寂寞。太守好觴詠，嘉賓應在幕。
想即有新詩，流傳至京洛。

蔡襄遊鼓山靈源洞

郡樓瞻東方，嵐人目乘舟。
逐早潮十里，登南麓雲深翳前

路林暗迷幽，谷朝鷄亂木。魚晏日明，金屋靈泉注石。
竇清吹出，莖竹飛毫。劃峭壁勢力，忽驚觸捫蘿。躋上
峯太空，延眺矚孤青。浮海山長白，桂天瀑况逢。
肥遯人素尚，自幽獨西景。復向城淹留，未云足。

達觀亭

峭峻釣龍石，飛亭壓其端。曠徹四無際，因之
名達觀。攀雲躋大庾，仙路何紆盤。秋明澄遠

綠曉霽，凝新寒。城郭烟火稠，水陸漁樵安。偈暇按民
俗，適遊心意懽。鳴弦俯清流，對酒環蒼山。重拂衣襟

淨從帶
夕嵐還

題將軍巖

赤日正停午解衣巖石下石泉殊甘涼野
籟亦瀟灑驚猿度嶺雲遺果墜庭瓦披軒

忽永歎幽
抱不可寫

題延平閣

雙溪會一流新構橫鮮赭浮居紫霄端卧
影澄川下峽深風力豪石峭湍聲瀉古劍

成蟄龍商帆來陣馬晴光轉羣山翠色著萬瓦汀洲
生芳香草樹自間冶主郡王士安高文勇枚賈顧我
久疎悴霜髭漸盈把臨津張廣廷窮晝傳清竿舞鼉
驚浪翻歌扇嬌雲惹懼餘遠晚霽望外迷空野曾是
勸遊人意
慮亦瀟灑

日新堂

太守職名治詔書邵吾農載酒事緬邈作堂
當廳中况凭軒檻高中視田野功澹沲沐新

別白微物倘見
知捐軀不足惜

陳白黃蘗山桃溪

樂彼溪流清誰得投竿處潭底落
華星巖間披彩霧青髻躍綠波翠

羽鳴嘉樹桃花休
暮春誤引漁人步

戴復古玉華洞

憶昨遊桂林岩洞甲天下奇奇怪
生妙不可摹寫玉華東西岩具體而

微者神功巧穿鑿石壁生孔罅玲瓏透風月宜冬復
宜夏中有補陀仙坐斷此瀟灑空山茅葦區無地可
稅駕舉目忽此逢心駭見希
詫題詩愧不能行人亦無暇

陳瓘秦君亭

世梗賢路塞達人識窮通攬搶天寶後
美士如飄蓬聘君當此時卷迹雲霞中

翩翩稻梁外不學低飛鴻音塵萬方遠軒冕一笑空
垂綸釣滄海超然謝樊籠清吟寫其樂孤標激頽風

能令千載下歎息詩人窮登臨忽終日
俯仰尋高蹤山麓一回望松蓋青童童

陳世卿黃楊巖

朔風夜號空干隅幾枝木深山自春
色芳草不凋綠朋來得進遊招提藏

翠麓新洒赤如丹竹萌肥勝肉一醉出門去缺月掛
修竹歸路沙溪淺危橋濺寒玉夜過渭濱居門庭應
不俗對坐寂無言泉聲如擊筑宗明更可人相邀勤
秉燭開緘得捷音豺狼俱西北迴權久可矣當心嗟
未足西去有奇巖祥雲覆華屋箕踞列干
人未充空洞腹更約林宗俱來伴白雲宿

鄭域黃楊巖龍井歌

高山如逸民不肯近人跡介於
兩縣間而獨得窮僻孤峭尺五

天空洞容數百不招龍自來其下為窟宅呼童燃松
明入洞窮地脉蟄旁有一竅泉泓澄淺白下不見其
深黑不見丈尺回步穿險峻動即礙頭額恨無照水
屏一見其形魄天下待霖雨何乃耽睡癖我今喚飛

廉駕汝
上空碧

黃楊巖

暮秋訪幽隱謝屐臨虛空行到山之頂還與平地同舉手扶層雲下視無高峯踈藤掛赤

虬黏苔糝青茸回首三神山縹緲滄海東指點笑語高吹聲半天中安得大鵬背載我遊無窮

李綱靈源洞

碧海吸長江清波逾練淨我為鼓山遊潮落初放艇蓮峯翠崔嵬倒影涵玉鏡

捨舟訪招提木末繞危磴凌雲開寶閣震谷韻幽磬乃知夫叢林棲托必深負靈源更詭竒巖壑相隱映

森羅盡尤物無乃太無并偉哉造化力至巧於此罄烟雲互卷舒變態初不定豈惟冠一方實最東南勝周行洞峽中泉石若奔競飄蕭毛髮清滌濯肺腑瑩當年喝水人端恐溷觀聽是心如虛空動寂寂豈妨並兵戈正聯綿幽討亦云幸相携得佳侶散策謝軒乘偷安朝夕間未可笑趙孟淹留遂忘歸悵望雲海暝

不負惠詢期
更起滄洲興

松風堂

旅泊不求安
小憇南臺宮
軒楹盡北嚮
感暑

散濯此萬里
風羣山遍環
繞雲物增奇
峯江潮信有
期來去初不
窮嘯咏得所
托幽禽亦玲
瓏青霞蔽殘
日皎月生於
東清光入疎
林照我鬢髮
鬆壯年幾何
時倏忽成衰
翁顧餐日月
華為駐冰雪
容二子皆靜
者脩然此相
從靈丹論秘
訣妙理談真
空兵戈滿寰
瀛此樂豈易
逢猶恨邇城
市時來車馬
踪逝將選幽
僻誅茅寄蒙
籠灌漑荔枝
園可敵萬戶
封屋前修竹
合屋後溪流
通風月應更
好清歡永相
同稚川晚聞

道尚真
刀圭功

題棲真館

武夷古洞天
奇峯三十六
一溪冠羣山
深淺縈九曲
溪邊列巖岫
倒影侵寒綠
翩如

鸞鳳翔矯若虬龍感樓觀聳宮堯屏幃互重複蛻仙
骨遺金遊女肌削玉鷄棲層岩巔船揮斷崖腹學館
存几案仙機餘杼軸嵐光瑩澄潭虹影掛飛瀑翠竹
蔭天地蒼苔封石屋繪禽頂長丹遺跡指如掬栽栽
天柱峯幔亭連翠麓傳聞武夷君嘗此會仙俗飛橋
幾千丈絕頂亘山足障以翠雲屏藉以紫霞褥瑤尊
傾沆瀣玉豆脯麟鹿仙妃奏賓雲金鼓間絲竹酒酣
歌夕暉嘆息光景促曾孫誰復在往事空遺躅至今
風月夜笙簫嚮虛谷地靈饒泉石山潤秀草木坐使
七閩人蔭此仙靈福嗟予真散材性愛山水酷仙經
與地志名字久已熟薄宦方區區仙賞宜碌碌神遊
先夢寐幽靚寄圖籙寧知因謫宦乃得厭所欲沿沂
窮幽深應接勞耳目開襟豁懷抱壯觀慰幽獨却邀
白雲歸伴此巖下宿夜寒夢魂清曉發輕裝速仙遊
須再來何
當謝羈束

劉子羽遊龍潭

四客同笑言一僧陪杖屨徜徉山水窟遙意忘晨暮疎鐘北巖寺細竹溪

南路中流石參錯不礙潺湲注泓澄一龍潭潤氣金碧聚時驚木葉墜俯見雲影度斯遊非預期偶爾造佳處幼與邱壑情陶令琴觴趣淹留慰所願惟以賓友故夕陽澹寒山遲回不能去

張栻過胡文定公書堂

入門認碧溪循流識深源念我昔此來及今七寒暄人事

經幾變寒花故猶存堂堂武夷翁道義世所尊永袖霖雨手琴書賁邱園當時經行地尚想笑語溫愛此亭下水咽此玻璃盆晴看浪花湧靜見潛鱗翻朝昏遮歲月俯仰鑑乾坤因之發深感倚檻更無言

朱松遊龍門洞

阿道陸沉久亦復大癡絕未成安一枝况乃辨三穴惟餘愛山意如水必

東折首竄今幾年顧影愧瓊瑛那知龍門客慶底抱闕闌虛簷日偃仰蒼壁對橫截拄藤危磴響濯足細

泉潔束薪取竒觀滴乳當嘉設摩石驚蜿蜒信矣耆
舊說歟疑掩風雨凜若踐冰雪遠追神清遊復作武
陵別能詩有老休聯句媿前哲相逢快吟哦疊疊霏
鋸屑三山今入手瀛海近可啜崎嶇走林谷王事煩
此傑擬結汗漫
遊更待攬棺滅

李彌遜遊烏石山飲鴉浴池

老懷不知春但愛遠峯
碧乘高恣遐觀未快雙

目擊偶為松根坐遂與參井逼烏媧補天餘墜此百
鍊石摩挲蒼蘚痕上有鴉浴迹引觴起自斟醜面不
容滴舉頭挽飛雲頗覺天半窄追隨二三子顧我獨
衰白向來舞雩春勝踐同今昔偶忘千歲憂共此一
適笑

東山

遊雲本無心時為晴山留我曹等雲間亦作尋
山遊駕言出城闕古寺聊相投摩挲鑄金像不

知幾春秋行行及佳境真成上揚州
追隨况高人華胄皆通侯高名邁姚宋
餘事卑曹劉向來金鑾御一處不
可求清溪訪鹿跡古澗窺龍頭
枯藤落斷磴未一親垂旒如何丘
壑中乃與猿鶴儔寒威斡山秀幽
上愁吳牛人言昔仙去疑是竹
務猷雲昏看山眼欲展還復收
伊予巖穴走南山萬里道烟霞入
膏肓膜眩不可瘳羣公上界侶
邂逅天南陬敢言同心臭長抱
躡等羞心知造物戲駑駘間驛
騶鶴書偶未暇愛日尚可偷
花風起羣萌枝上春欲留更催
小槽紅一笑非人謀

朱熹臨滄亭

靈源有幽趣臨滄羨佳名
我來坐久之猶懷不盡情
褰裳步翠麓危絕不可登

豁然天地寬頓覺心目明
洋洋三江匯迢迢衆山橫
清寒草木瘦翠蓋亦前陳
山僧好心事為我開此亭
重遊見翼然險道悉以平
會方有行役叩蜀萬里程
徘徊更瞻眺斜日下雲屏

石岳江行二首

春日江中注我行遡其波揚帆指西
滋兩岸青山多青山自透迤飛石空

嵯峨綠樹生其間幽鳥鳴相和
濠蓬騁遐眺擊節成
浩歌獨語無人晤茲懷竟如何
停驂石岳館解纜

清江濱中流棹歌發天風水生鱗
名都固多才我來
友其仁茲焉同舟濟詎止胡越
新相期豈今夕歲晚

無緇
磷

赴同安簿宿囊山寺

曉發漁溪溪驛暮宿囊山寺雲海
近滄茫溪山擁深翠行役倦修

程校閒聊一憇不學
塔中仙前途定何事

同安客舍夜作

官署夜方宿幽林生月初閒居秋意
遠花香寒露濡故園異時節欲歸懷

簡書聊從西軒
卧塵思一蕭疎

安溪道中

驅車陟連岡，振轡出林莽。霧露曉方除，日出川如掌。行行遵曲岸，水石窮幽賞。地偏

寒篠多澗激，淙流響祗猨。未忘倦心神，暫蕭爽感茲懷。故山何日脫征鞅。

題九日山廓然臺

昨遊九日山，散步巖上石。仰看天宇近，俯嘆塵境窄。歸來今幾時，夢想

墨蒼壁，問公結茅地。彷彿記疇昔，年隨流水逝。事與浮雲失了知，廓然處初不從外得。遙憐植杖翁，鶴

骨雙眼碧，永嘯月明中秋風，桂花白。

大輪山羅漢峯

休暇曹事簡，登高恣窺臨。徜徉偶此地，曠望披塵襟。落日瞰遠郊，暮色生

寒陰，惟呼去未已。更欲窮幽尋，行披茂樹盡。豁見滄溟深，恨無雙飛翼，往詣蓬山岑。

立春大雪遊天湖

同雲被四野，寒氣慘悲涼。回風一以定，密雪來飄揚。時當冬候窮，開

歲五日強蓬巷無與造陟此瓊臺岡賓友既追隨
兒童亦攜將攀躋得冢頂徙倚聊彷徨俯視千里容
仰看萬鷁翔遠迷亂峯翠近失平林蒼偃薄瑩神骨
咀嚼清肝腸朗詠招隱詩悲吟黃竹章古人不可見
來者誰能量且復記茲日他年亦難忘

西山卜居

卜居屏山下俯仰三十秋終馬村墟近未
愜心期幽近聞西山西深谷開平疇茅茨

十數家清川可行舟風俗頗淳朴曠土非難求誓捐
三徑資往遂一壑謀伐木南山巔結廬北山頭耕田
東溪畔濯足西溪流朋來即共懼客去成孤遊靜有
山水樂而無身世憂著書俟來哲補過希前修茲焉
畢暮景何必營菟裘

為邱子野題芹溪小隱

我來屏山下奔走倦僮僕亭
亭日已中冠中濕如沫訪我

芹溪翁解棗留憇宿茗椀淪甘寒溫泉試新浴料攪
神氣清散步指筇竹廬峯在瞻望隱隱見雲谷頓覺
塵慮空豁然洗心目君居硯山西高隱志不俗窻几
列琴書庭臯富花木往來數相過主賓情意熟開尊
酌香醪罄款話中曲從容出妙句滿幅燦珠玉邀
約登赫曦襟期伴幽獨茲遊得良朋道義推前宿

遊隱屏

秋聲入庭戶殘暑不敢驕起趁汗漫期兩袂
正風飄眷言此家山名號列九霄相與一來

集曠然心朗寥棲息共雲屋追尋喚魚魴一水屢縈
迴千峯鬱岩堯蒼然大隱屏林端聳孤標下有雲一
窟仙人久相招授我黃素書贈我
英瓊瑤茅茨幾時建自此遺氛囂

武夷精舍

神仙九折溪沿沂此中半水深波浪潤浮
絲春溪溪上有蒼石屏百仞聳雄觀嶄巖

露根罅突兀倚霄漢淺麓下縈迴深林久叢灌胡然
聞千載獨此開一旦我乘星村船輟棹青草岸榛莽

喜誅鋤面勢窮考按居然一環堵妙處豈輪奐左右
轟竒峯躡踏極佳玩是時芳節闌紅綠紛有爛好鳥
時一鳴王孫遠相喚暫遊意已慳獨
往身猶絆珍重舍瑟人重來足幽伴

遊百丈山

執熱倦煩跼駕言起宵分隨川踏曉月度
嶺披朝雲攀緣白石梯拂拭苔蘚紋噴薄

驚快靚瑋琮喜先聞竒哉此精廬眇然隔塵氛諸公
肯同來定非俗子羣永日坐清樾短章策竒勳慨然
念疇昔離居已荒墳中路忘磬折寸心謾絲棼惟慮
泉石願三生有餘薰茲遊獲重尋十載心氤氳他年
訪舊躡山
靈莫移文

題風泉亭

澗谷居永久高情未云酬茲焉發天秘始
造寒巖幽上有茂樹陰下有清泉流結亭

倚蒼峭鑿磴窮嵌邱翠壁自屏立青蘚亦環周竭來
憇永夏凜若臨清秋仰空韻笙芋俯檻鏗琳球幽聽

一以會悠然與神謀遐哉超世心暇
日聊娛憂笑問車馬客誰能此淹留

晚發懷安

掛帆望烟渚整棹別津亭風水已云便我
行安得停離樽枉羣賢濁醪愧先傾談笑

不知遠但覺江流清獵獵甘蔗洲茫茫白沙汀斯須
復回首祇有遙山青野色一以曠川光晶孤明中流
漾華月極浦涵踈星酒酣客散去茫然獨宵征起視
天宇濶此身一浮萍難追五湖遊未願三閭醒且詠
招隱作孤舟轉矜

過武夷山

弄舟綠碧澗棲集靈峯阿夏木紛已成流
泉注驚波雲闕起蒼茫高城鬱嵯峨眷言

羽衣子倪仰日婆娑不
學飛仙術累累邱塚多

黃幹遊鼓山

登山如學道可進不可已懸巖更千仞
壯志須萬里平生石鼓慄獨酌靈源水

栽栽大頂峯欲往輒中止今朝復何朝擊楫渡清泚
好風從西來縹緲吹遊子褰裳陟危巔萬象皆俯視
東南際大海日月旋磨蟻烟雲隔洲渚歷歷猶可指
城中十萬家鷺雉不到耳郊原與市廛瑣碎如聚米
同來皆良儔酌酒共懽喜深林更叫嘯盤石恣徙倚
摩挲陳公碑歲月為我紀更持末後句歸以銘石几

九日桃枝嶺

登山豈不樂屬此風露清排簷夜雨滴
詰且天空明惓然金石交要我林泉盟

支筇趣汗漫勇往不計程一水何縈紆千峯鬱嶒嶸
仰視流雲馳俯聽幽壑鳴班荆得所適斗酒聊共傾
人生會有累聚散如浮萍今朝諧勝遊
異日難忘情意愜各賦詩庶以紀此行

真德秀遊鼓山

巖宸有追詔趣上太守符疲民未蘇
醒還顧空躊躇來尋靈源盟喜與佳

客俱始酌清冷泉一洗丹墨滓超然煩滌中著身在
水壺遲明陟危亭雲濤渺空虛烟霏倏開闢峯巒密時

有無偉哉此絕觀雄壓東南隅蒼崖萬仞立四面環
瓊琚翠木巧蔽虧亭午清陰敷令人澹忘歸似到真
華胥憶昨泛蓮日選勝邀朋徒摩挲崖上刻慨仰趨
與朱舉鵬酌且盟一節期終初重來三十年恍如隔
朝晡並遊四五人存者獨老癯有懷子陳子感嘆為
歎歎子抱明月終我方長途趨顛踣懼不免儆省當
何如願言祝同壯著力相攜扶禪伯亦可入新結峯
頂廬老我故倦遊軒冕非所娛會須脫塵鞅來依懶
居

陳傅良遊鼓山

鼓山開天下一見名不空自從周職
方闕在王會中登山亦幾人興寄隨

所逢騎君常噶日遷客多悲風劍川發甌西萬阻與
海通忽然得平壤北山矗其東我行未及巔已見國
勢雄三韓到吳會不可道里窮俯瞰南來帆云云自
朝宗曩時諸降王各撫千里封相招神銜圖旅獻東

都宮東都今何如胡馬鳴蒿蓬一春長雨
霧明日歸樊籠恣探泉石幽篝燈導歸節

蔡沈遊西山

紫荆相依倚綠篠自蒙密秋蘭澗中花
山果路邊實沿岡引霜藤臨流坐寒石

日暮陰巖開雲收遠山出疎籬尚存菊荒缺
綠桐想虛堂簡策見靜室俯仰今幾時漫然已陳迹
摩挲莓苔痕
履齒不可識

遊武夷山

才既非時須性本愛岑寂
隱遂成癖春風百花紅秋月千嶂碧烟霞

結繆綢猿鳥自啼昔乘間撫深壑噴
薄轟鐵笛笑挹天柱峯高寒幾千尺

吳拭冲佑觀

太極玉皇帝曾孫所自祖神人武夷君
祖星皇太姥嬴政之三年秋八月三五

虹橋飛幔亭光景燭萋萋曾孫以序進一一拱帝所
熒煌紅雲裊花水金皿貯曾孫敬羅拜訊問安好否

中庭握青綾樂具歷可數安陵元奇輩引鼓若副鼓
橫笛公希吹節板鳳兒拊坎篋速長琴圓腹弦索古
次姑悲慄噪秀澹洞簫舉居巢小娥運鐘銚妙容舞
賓雲左右仙超絕不可譜酒行禮無謝雋美進散脯
歌師彭令昭歌作可哀語天上人間分會合難以阻
日薄西山兮鳴鳥理歸羽百年一餉兮素願長齟齬
歌闋雲四合贊別咸儂俯亟還無留趾徒御有螭虎
扶攜僚屬巔宴所無覩侶異事同亭祠祠事獲誰矩
肆茲闡琳宮丹碧絢薨楚潭潭真君殿詔墨耀黃楮
巍然冲佑榜字札逼虞褚璽封寶奩香泉綵給內府
明璫制錦蚪御餅屑春乳淵衷吉而蠲簡福綿寰宇
物靡過疵癘時若賜與雨元元端何力幸此聖澤普
熙然腹其腹穴井亦耕土巖廊舜衣裳
粉米以藻黼後天無窮期燕翼繩祖武

劉焞送王子文宰昭武三首

樵川古樂國誰遣生榛
管往事忍復言念之輒

長嘆子往字其民寄任良以艱傷哉周餘民十室九
孤鰥深心察疴瘡摩手蘇疾癥願加百倍功勿作常
時觀熒熒匣中龍爛爛巖下電紛紜揮霍間坐觀
百千變雖然事幾微易矚亦易眩悞從快處生理向
靜中見健決要安徐聰明貴韜斂潛齋有愚言或可
代歲砭百鍊或繞指粹白俄成緇有初諒非難其
難在終之道心眇縵粟易為羣物移不有精一功誰
能勝安危于今如玉雪瑩潔無少疵願言保令德歲
晏以
為期

元薩都拉天章臺晚酌

高臺在層霄肩輿上絕壁露下
酒尊涼月出海外白坐拂衣上

雲醉卧林下石西風吹鬢毛南斗
在肘腋題詩向天關奎光射瑤席

遊武夷

溪行望武夷峭壁何嶄絕赤霞爛不收大化
元氣泄下有萬年松上有太古石祇恐月明

中鏡苗
吹石裂

秋日登烏石山

海國山四圍繁華坐消歇樓觀沉夕陽鴻鴈下秋色水邊無麗人石上多

古刻感此暮歸
逢秋露滿山白

度閩關二首

曉度分水嶺身在雲霧中手扣天上關
聲落山下風雷霆走澗壑神人過虛空

既訝奔豐隆亦可招祝融頃刻開萬象赤鳥飛嶺東
白雲下千峯盡入懷袖裏振衣度閩關灑作山下
水仰登天無梯俯視井無底古來守關人
豪傑存者幾寒食百草青春風吹不起

過嶺至崇安命棹建溪

人生天地間馳馬歷大塊行
樂須及時流光逝難再後後

功名羈歷歷山水邁偉哉東南區奇險閩粵最車書
四海同風氣一嶺界肩輿下層霄手棹度急瀨四山

抱迴流環合如來帶王井蓮葉飄仰面天作蓋條馳
丹峯前却在紫嶺背微雲間烟霞疎雨灑松檜深林
樵牧歸落日山鬼會雪瀑挂冰簾林風响天籟石苔
仙巖駕往往遺骨在瑤草石上生丹藥市中賣魏巍
考亭祠過客下祠拜溪水自成文上接洙泗派喚渡
雲門僧貌古清可愛手把青松枝跌坐溪石罅懸崖
虹棧危插竹漁網曬山高人蟻旋下視舟一芥輕舫
類飛鰓宛轉亂石隘崢嶸龍角尖礫砢龜首癩槎牙
激頽波出沒驚水怪萬古槌地雷三峽瀉澎湃峯巒
爭送迎奔走萬馬快箭過耳生風開口不暇咳峭壁
起衝流恍若巨鼇戴山有舊題名歲久字刻壞畧有
姓氏存彷彿年月戴覽此前人蹤徒為後人慨天氣
易寒暄光陰變明晦浩蕩三月程應接千萬態會登
天柱峯一覽宇宙大少吐胸中豪神遊八方外題詩
贈山靈清
氣留勝槩

題茶陽驛

白雲飛出山怒擘蒼峽裂幽谷濕晴雲絕壁灑飛雪萬折入滄海龍宮水晶闕簸揚

弄珠人水

簾挂寒月

大橫驛

山行日已暮肩輿度林薄涼颼淒以清松子空中落千山月崔巍萬葉雨蕭索昨夕權歌

行頗憶

溪上樂

黃鎮成南山耕舍

離離南山田米采山下綠茲晨涼風發秋氣已可掬美人平生寵零

落在空谷顏色不可見何由踵高躅我耕南山田田我結南山屋下山交桑麻上山友麋鹿還肯過鄰家鄰

家酒

應熟

熊禾遊武夷山

我來武夷山遠意超千古嘗疑混沌闢疏鑿未經禹峽山猶古梁洪濤莽

回互行舟留大壑營巢餘斷樹琅崖波濤痕隱隱皆可覩陶然上古民受服固深阻秦威何桓桓薄海猶廣土六合皆湧沸一枝豈寧處嘗言十三君隱隱避秦侶一日厭塵寰冷然遂高舉上山娛賓雲下山滿豺虎神仙何渺茫虹橋徒虛語桃源亦其類好事自誇詡風氣日以開斷地有真主遂令閩山陬盡入職方宇漢志名始彰祠堂用魚脯流傳世代久琳宮聚衣羽至今此名山號作神仙府恭惟我遜翁辭闕厥功溥于焉卜精廬溪山九曲五圖書盡在茲斯地儼鄒魯我以負笈生來此有年數自慙仁智心未領高深趣斯遊亦何意會心覲真過侃侃平生友惠然肯來顧攜手敦夙好抗志企遐慕招我山中遊茲游適予素巍巍大隱屏此屹天之柱前瞻晚對亭考槃固其所何當同心人相與雜榛蕪長松期歲寒修竹倚日暮我行愛此山躊躇不能去

崇安縣學立碑

出山未逾月輒復入山去平生武夷志茲遊適真遇誅茅儻可遂豈但山

水趣扶搖欣夙心躊躇動長慮恭惟文公學倡道非
虛語向微剖析功斯人遂聳警齋居一原嘆此嘆無
人悟晚年制作心門人未輕許真寶浸次寥枝葉謾
誇詡漂淪未百年竊據立門戶吾黨固有愆斯道自
今古扶偏須忠臣邪說可無距同志此來遊興言敷
予素禮樂愧河汾興唐竟誰予大隱堂前水滔滔自
東注回薄萬古
心無言對天柱

黃清老福山寺

晨光海上來雲氣昇萬壑鷄鳴
中殘鐘度城郭菴僧戴星出缺自飯

藜藿寧知天地心但有山水樂書燈夜搖缺霧氣侵
几閣開扉得新月欲掩見棲雀烟霞暫相違筆硯庶
有託但留松間雪付與雙白鶴庭柯換故
葉林竹解新籜何日芝草開拏舟赴前約

武夷道中

積雨多浮雲百川合為一新晴落花深草徑沒行跡溪風散和柔天宇浩澄碧諸峯

出雲間淨若露初拭遲遲策驚馬稍稍度翠壁從人不知疲佳境恣所歷松間古仙人燕坐松下石羽化今幾年蒼苔滿雙屐乾坤妙無言小大自有得為我謝羣芳春風各努力

貢師泰過仙霞嶺

連山界甌閩茲嶺實峻極傑觀莫方陞高標麗園則淋漓割元氣黯

淡帶古色綿亘姑蔑墟蒼翠欲四塞仙霞高燭天五采絢赫絕萬仞聳崢嶸百里見孤特稜角露豪芒縷脈界縫絨我行任綱紀逾月來自北道塗多艱虞况乃事登陟初緣複磴危漸轉重闕側攢峯與疊嶽盡日走崩劣連岡躡衙衙絕壑瞰冒胷遠岫忽已達近隴復相逼躋攀苦分寸跬步輒止鬢蒼然造層巔軒豁始有得或列若屏障或限若戶闕或偃如覆釜或仰如鼎鉞或恭若執圭或竦若憑軾或尊若受朝或

卑若就職或若孤鶴駕或若萬馬勒或若華蓋張或
若芙蓉植或淨若新沐或靚若新飾或爭先若馳或
嚴整若飭或若進而拱或若退而劾或偃若將趨或
顛若將踣或堅若長城或錯若列國或聯若串珠或
牽若徽纆或搏若熊罷或射若虺蜮或晃若華旒或
屨若赤纒或顛顛若昂或踟躕若抑或軒軒若舉或
悄悄若默或欣欣若喜或慙慙若戚或駭若蠢愚或
穎若岐嶷或窮若龜曝或直若隼革或差若頡頏或
比若福稜或倚若弓劍或羅若罟罟或銳若戈矛或
卓若纒杙或渥馬若丹或黝然若墨或離馬若愁或
俛馬若畫或儼馬若思或慘然若憶或矜若噬或
巉峭若剋崎嶇歷萬狀意態轉惶惑矯首勞脛脰舉膝
撐胃臆僕夫畫幼瘁負擔屨蒲伏健駭擲猿勢快羨
飛鳥翼長風度林薄草樹紛偃仄雲歸空竇昏雨滴
嵌巖泐涓流乍逶迤懸溜意溜汎豫章間榷柟椿莽
翳柞械野花與山果瑣碎不可識爛熳錦機翻離披

翠羽織竹籟笙鳳鳴藤雨淵珠滴濃淡各異態不豐
亦不啻根露獸鬪欹株巧人立直幽谷嗥怪禽坳塘
落鷓鴣古柴蔓草荒廢井苔蘚蝕茅屋列二三亂石
羅萬億水耕雜秔稌火種饒黍稷寒泉浸蹲鴟飢食
同稼穡憑高謾徘徊得廕暫休息掬水滌煩襟坐愛
清湜湜仰看高空青俯視深潭黑其上浩無際其下
杳莫測豈惟龍蛇都寶乃虎豹宅前瞻已出險後顧
猶未即我行既已遠我志敢不力倉皇問前途日掛
半崖巖峻坂注迢迢憂心動惻惻自從黃巢亂近復
多盜賊敗屋雖僅存居者間逃匿窻牖旋遮護几案
聊拂拭頽然就炕枕強起具蔬食新醅薦茅柴晚飯
釘蘆葍豈不念馳驅王事亦孔棘江東戰未已閩南
病尤亟所當効微忠寧敢怠畧刻吾道豈無補憲度
亦有式民風轉移間要在盡悃悞豈徒慰凋疲庶將
別淑慝追蹤古聞
人上以報皇德

吳海七巖山二首

連山如波濤高峯盪雲日萃然孤杓聳其勢孰可匹危攀將欲飛俯

瞰覺自失羅田幾聚落端坐見纖悉南延川原深北望海水出處高視益遠縮地豈有術天寒霜雪交收穫事已畢仍年蝗旱餘民物盡蕭瑟邁茲得非辛惆悵寧具述羅田衆山中七巖獨高秀經營將半載宿願始得副緣雲攀鳥道十步九駘麤副廳從北來巖谷盡號噉促步赴層巔依石赴野燒鬱然烟焰交歟若雷電統其勢吁可畏僮僕盡驚走須臾得小息方覺性命有列坐咸自慶啣載酌大斗陰陽却變化霏雨垂白晝癡雲迷海嶼昏霧失林藪歸途畏虎迹慘慘暝色厚幽懷莫能寫追次宜自咎述此成短章

聊用記
邂逅

釋大圭夏日遊龜山

閒情素乖俗樂彼中林居林居未云果幽賞意有餘出郭青山

多佳木亦扶疎並遊得良友方駕從所如翠微薄炎
景蘿風汎涼裾雲徑步窈窕石門入清虛少留席豐
草綠縟綿以舒葳柯翳鳴石石澗清有餘形神一蕭
散疲勤亦以祛黃緣龜岩東遂即歐陽廬懷賢仰高
躅撫蹟驚廢墟願留石中空畢讀
人間書茲焉畏遲暮眷眷空踟躕

九日山過姜相墓

有客車馬同新秋在雲巘幽尋意
方愜流覽涕欲泣碧草滿地生白

石抱空轉下有丞相墳念此牛羊踐隱君昔深遯古
木足幽寥維時諒多艱此地憇重趼日長矚書盡歲
暮越山遠初月聞嘯歌歸雲同息偃鶴足喜松高魚
心畏池淺有懷莫與同尚古一何緬姜公實英才悟
主片言善位及台鼎崇職與諫垣選骨鯁方左遷時
運蓋多舛澹泊兩相求綢繆永云展吁嗟日南英梁
棟先推翦微爾收白骨嘗時委蒼蘚逸事傳海陬史
氏闕光顯千載有若人游影始相勉往古凜高蹤來

今戒駕塞友道日
以愉殷勤何由遣

明王恭六竒山

鴈峯鬱蒼翠北對大常秋城闕幾塵小
滄溟一杯流天空氣肅殺木葉風颼颼

夕照返高樹歸雲還遠邱伊人棄軒冕縱酒疎王侯
脫畧當世事隱身麋鹿遊翩然別我往徒此增離憂

良會不可必
歲月詎能留

松石峯天王寺

炎暑不可度端居日方永同袍四五
人共愛山中靜飛閣軼氛埃叢林逗

蘿鏡潭靜氣已秋竹深午猶瞑初沿雙溪轉稍入空
中境婉婉婉林鳥聲悠悠野僧定平生好幽玩盡日愜
佳興山水發清機風泉澹初
性日夕徐徐歸雲間響孤磬

舟次鐘津

木落川氣涼鴻飛水容夕微燈射遠沙夜
榜隣幽石月色棲處寒霜花坐來白遙見

九華峯蒼
蒼但蘿薜

劉基石岳江行

夜發白沙驛亭午至水口中流鬱風
霧密雨蔽原草冥濛蛟龍過隱鱗怒

雷吼傾歌卧帆席憑翼感前後畏途生頃刻顛倒亂
足于倉皇投山館喜懼劇紛糾攝身整衣帶沾溼及
肩肘平生歷道路艱險頗曾受未曾外形骸豈肯輕
衰朽捐軀豈成仁垂堂不宜狃總轡登前嶺烟雲尚
昏黝經阻有妨
虞姬文亦奔走

望武夷

飲馬九曲溪遙望武夷峯長林青繚繞丹巖
造空濛浮暉澹寒翠水木皆曼容薄遊限塵

務促景泥竒蹤緬懷紫陽子千載誰與同瓊佩邀烟
霧石函闕遺封羈猿怨幽澗飛蘿冒烟叢瑤琴空流
泉桂枝徒秋風悵望佳期阻纏綿
憂思重殷勤尺素書願寄雲間鴻

遊武夷

崇山奠朱維，實維羣山圃。蔥蘢薄光景，隱顯變氣候。百泉縈虹蜺，萬谷爭噴鶻。深根入無

底峻表，切星宿嶙嶒。削劍戟，窮窅錯錦繡。竒雲劈高掌，竇室窅陰獸。金鷄鳴未晨，玉女來自逗。琪樹縞元宵，瑤花落清晝。美人遊不還，霜月怨猿狖。寂寞涼駕壑，槎蕪沒白玉。樞蓬萊渺滄海，弱水浩侵溜。良辰不可淹，沉思令人瘦。

林鴻釣龍臺懷古三首

無諸昔建國，赤土疏王封。築臺青冥上，垂釣滄江龍。乘龍

去不返，千載如飛蓬。只今荒臺上，寂歷多遺蹤。我有太古懷，來吟江上峯。天青海氣滅，地古寒烟濃。潭水綠萬丈，秋岑碧千重。登臨未能已，落日催孤鐘。甌閩古夷服，無諸漢英雄。秦鹿既已死，却辭隆準翁。組練照海色，旌旗來故宮。赫矣茅土業，大哉開闢功。事往滄海變，龍飛霸圖空。昔日釣龍臺，空餘江水中。桂

巖苔色古空陵雲氣紅朝夕卷寒潮隱隱聞雷風
登臨碧餘景感嘆無終窮無諸東海上有國在秦先
一朝逐秦鹿戈甲紛相連高才已得志論封亦徒然
歸來築高臺投竿釣蜿蜒屠龍雄按劍拂拭滄洲烟
英風振海岳古月經蠻天昔人不可見踪跡復堪憐
閒來弄秋水漁舟藹清川雲高碧海淨日落千山妍
筵歌古臺上
醉向酒家眠

道山清冷臺三首

吟秋宿絳月際曉登清冷揮手援
碧蘿騰身棲翠屏長風吹雨來不

見羣山青鳥度白雲濕龍歸滄海腥真僧此巖棲觀
空靜襟靈竹塢見曝衣花臺開演經沃以甘露言迷
途醉而醒願言割慈愛永也投禪局金人青蓮宇
乃在白雲裏久與名僧期乘閒却來此入門聞經梵
挂壁見巾履落澗泉影紅侵廊蘚花紫海天正南
一覽見千里獨樹川上浮孤烟島邊起予生况多暇

所性樂山水真賞非外求冥心巢居子端居在人
境久沒塵壤中探竒不憚遠於焉得佳逢石怪互森
列臺高陞虛空林端宿雲去竹外微逕通巖壑深杳
靄天花雨蒙茸治師禪門秀戒臘同古松說法超上
乘苦心妙歸宗予慙善根淺迷方
莫能從暫此松下石聊踈浮世蹤

金鷄巖

遠公青蓮宇百尺構雲闕一逕入松蘿山泉
摧苔髮石房彈玉琴清響在林樾夜來滄海

寒夢繞波上月微吟白雲篇高興
了未輟未能悟聲聞安得離言說

董巖

吾嘗慕康樂愛入名山遊名山不易得何必談
瀛洲董峯高峩峩仙子居上頭白鶴去不返黃

茅翳丹邱下接渤海流上接白雲浮陰壁耀海日寒
枝掛獼猴幽尋豈不遠逸興時去留仙人未可期空

山春
復秋

遊瑞巖

海國橫秀色，茲山何鬱盤。黃金構樓觀，積翠開峯巒。登高恍神遊，注目窮遐觀。地迥雲物

古，天秋松桂寒。於時灝景清，東溟淨波瀾。嘗聞有靈藥，可以駐顏顏。因思營丹邱，回飈生羽翰。

題九仙觀

仙山有樓觀，虛爽軼浮埃。昔日九仙人，跨鯉茲山來。赤鯉去不返，仙人安在哉。空餘

彈碁處，白石生蒼苔。至今羽人居，往往聞風雷。檄雨古壇暝，禮星寒殿開。嘗聞至人言，內景融春臺。羣生若芻狗，大道如嬰孩。飈車與天接，豈但登蓬萊。

武夷山

秋風泛瑤棹，愛此佳山川。九曲沂流月，數峯標暝烟。開闢自天地，飛昇有真仙。石上蛻金

骨，雲中鳴夜絃。伊余探古蹟，得復窮幽元。閒招木客飲，醉向天壇眠。不見紫陽翁，徒歌白雲篇。予懷在漁

釣，即此應忘筌。

王偁小雄澗

陰島變殘雪新流吐溶溶偶尋一徑徹
獨與林樵同兩崖濕花霧泉竅吟天風

雲根濯苔髮亂篠相溟濛盤岩折磴道似覺冥搜窮
石門忽中斷曠望開烟叢蘿雨沁肌骨松桂清心骨
了然青洲霞照此澄潭空始知人境外別有仙路通
躡寫揮雲表投情依遠鴻幽棲極要眇神遊小崆峒

宿湧泉寺

翠微白雲裏逢秋思一登聳身躡雲壁飛泉
搖古藤澗澗海天際坐見萬境澄飲澗動

羣鹿宴坐逢真僧邀我宿化城珠林懸古燈寥寥
片月上悄悄天籟凝因愁向城市塵髮秋相仍

尋仙巖二龍潭值風雨

昔人洗玉髓幽洞驅龍耕丹
成輟瑤采成此秋水泓飛岩

夾兩鏡洞見雲霞生百鬼不敢啼雌雄常夜鳴有時
潭瀨寒幾曲琉璃瑛清秋墜蟾影白日聞雷聲偶茲
訪靈竒掃石窺清泠洗心盟鷗鷺濯髮解冠纓長風
動懸蘿颯爽毛骨輕飛雨洒然至萬壑秋冥冥歸途

裡桂影了了心目醒到
家興未已石室披丹經

王褒湖南田舍二首

南湖鵝湖上
山色迤湖上路
田家

田暮喚湖上波老稚遠相迎
牛背掛農具今年喜有
秋不為租稅慮林頭釀茅柴
取醉羅粟芋相看桑麻
長馬識舊組誤縣門久未入
且樂成嫁娶湖山近
人家烟火隔籬落愛此湖田肥
生產願自託兒孫日
長成努力趁春作驅牛耕遠坳
牽犢鋤近郭農事喜
及時秋收聊可悅積穰登倉箱
餘粒飽鳥鵲村藜有
濁醪莫負鄰翁約笑爾
東西人誰識田家樂

唐震喝水巖

靈境斂幽寂元巖閔林莽
秋風何處來
冷冷百泉響傳聞妙禪機
默坐謝塵鞅

蕭然一榻靜厭此瀆遐想
曇花散天雨空翠入蒼瀟
卓錫振梵音寒流自西往
道人此投跡風磴時獨上

竹暹清露繁松闌碧苔長伊予性疎癖
鵝地愛弘敞蓮舍如有期攀緣恣幽賞

浦源遊瑞龍院

我豈好聲利躍馬塵鞅間浮生倏能
幾不得一日閒經過蒲陽郡悵望城

西山山中有靜者木石同古顏我今來訪之偶然得
追攀花雨濕樵徑松風冷禪關徘徊清晝永興盡始

遂云

林敏遊石竺山卧龍潭

飛軒窅洞碧溪口寒流深溪
南一峯峻衆壑波上陸杉松

亂天影水月乃余心時節開竺書寂寂空中音雜
花逗秋思鳴瀑絃素琴願乘白鶴影永矣諧幽尋

南樓竒觀圖

炎荒苦溽暑逸翮思層樓主人啟華構
恍若登蓬邱披雲自地湧飛鳥昇天遊

花雨翳雙塔裡烟蔽南州一水辨甌越萬家臨女牛
當空列仙蹟入戶明河流薰風引華筵夏夜如涼秋

餐霞卧瑶簞，身世隨虛舟。下窺指塵鏡，生滅如蜉蝣。願同騎赤鯉，候子此馬休。

清源洞

松栢隘石門，清溪垂亂花。尋源望不極，水上流胡麻。衆壑相崩奔，一峯凌斷霞。昔人煉骨

處，白石盤陽崖。至今風雨來，猶疑下霓車。冥心道經秘，假寐紫皇家。授以霹靂文，晤言營丹砂。

天王寺

珠宮隱上方，載酒一乘輿。雨歇瀑水涼，雲歸古松暝。忘機野禽狎，發詠山鬼聽。坐對月上

時空山

響烟磬

高棟月山

羣峯豈獻奇，一峯狀如月。半規出陰巖，四時挂天闕。松蘿映空翠，構屋通幽絕。遊子

愛清輝，逍遙步林樾。

席帽山二首

文筆聳孤翠，高標寫層宇。氣奪衆山秀，屹為三山雄。何當覽奇觀，於此巢雲松。

靈境闕絕頂石房秋氣多祇疑列仙居俯視飛鳥
過羣島落天鏡玉盤浸青螺相期謝塵鞅歸卧此巖
阿

九月八日郭南山亭宴集

海國山氣涼秋聲落遙野
乾坤肅以清收納屬多暇

出郭尋幽期同人命軒駕載酒入翠微憑高憇層樹
蒼山橫黃雲大江天同瀉飛雨霞除晴夕陽雁邊下
江山滿陳迹今古成代謝千載同一時黃花笑盈把
酣歌林壑暝新月松蘿掛高興殊未平臨風獨悲咤

同諸公餞鄭五至鼓山寺賦得臨滄亭

芳巖海上秀
中峯開禪宮

飛亭掛空翠直上臨方蓬溟漲在几席天光映簾櫳
目極萬里外但見青濛濛曙色從東來晃然靈境空
登臨豈不偉
別意嘆無窮

同遊六平山

出郭秋已深寒原騁心目愛君幽棲地
市廛若林谷初月諧晚尋同人遂成宿

樓虛在山翠書聲向喬木飛雨一峯來微雲度疎竹
清鐘對殘尊孤琴寫幽曲自得靜者心何須遊秉燭

陳亮昇山靈巖寺贈初上人

出自北郭門村村好林
藪我行訪真菴百折渡

溪口籃輿方濟勝拄杖遂入手幽尋足探討十步停
八九飛甍近可覩尚覺登頓久乃知地位高上可摘
星斗靈巖下窺瞰衆壑皆培塿千村繞城郭百水爭
奔走茫茫浩劫中萬家皆摧朽名山自古半為空
門有吾師智力大叱咤龍象吼經行闕幽絕為我開
戶牖未論清淨理且進醍醐酒居然物外心解脫超
塵垢明晨下烟閣悵望空回首

龜峯

疇昔過茲鄉駐馬望龜石蹊蹕兩鬢華始作登
臨客浮雲散輕陰霽日見海邑千巖含暮景湖

影浸空碧郊原分綺錯左右羅第宅向來多賢豪聲
譽何籍籍良晨作佳遊此地幾登歷我來一感慨俯
今視非昔落日松
風生遲回景將夕

黃元馬頭江

曠色入長江江帆疾如鳥空出白雲外
一望更何有颿沓風雨來蕭條夕陽後
孤燈照寒艫且復醉盃酒長江滄浪曲遠映滄浪叟
崖暗古木侵沙明暮潮吼扣舷江水深去路離情厚
何處有僧廬
殘鐘到溪口

郭真大象峯

躡衣陟崇岡盤盤路迴繞駕言何所之
招提在深窈徑陡苔痕滑寺古石室悄

時花爛巖阿幽禽韻林杪仰瞻星辰近俯瞰江湖小
羨彼山中人託身塵世表何當遠相從談元坐昏曉

葉善夫題朱文公故宅

我我雲谷山森森滄洲水中
有宅一區過者視闕里文獻

尚可徵豈不自魯始載
詠鄒氏書千載若為俟

林春澤謁考亭

建溪訪闕里溪行邁巾車山水益奇
駛林下亦盤紆昭昭千載下巍巍先

哲居吾道麗中天日月長炯如餘光宿仰止獨立還
躊躇但見山下溪溪流洄以瀦尋源杳不得徘徊歲

云

徐渭自浦城進延平

溪山孕鐵英怪石穿水黑馬齒
漱寒流冶火融初滴方艇走石

劈白日飛霹靂操舟信有神出入坦然適以知
庖丁者游刃有餘歷循理稱達人險難亦何感

黯淡灘

黑鼇穴地出喫味從天下春雪跌深潭驚雷
逆鐵鑄回思身所經險怪幾日夜老石萬片

焦飛湍千里射藥又窺綠淵人命輕一訖或似鼓大
冶青銅沸將馮女媧散餘礫頑渣攪不化念彼既憮

然值茲殊可訝短檝起沉舟凸字換深窞因之誤絲
髮長與世人謝浪怒一何愚終古不得罷有時搏陰
飈寒色慘朱夏借言呂梁叟何時
恣閒暇余雖愧達人笑對成一嚇

泛舟九曲

老王亂青冥皇天夜遺蛻餘骨散九州頭
顛此馬寄人視萬劫餘天意一夕計遊艇

沸滄波髣髴熱營衛亭午入數折冲然元氣閉懸峯
昇羽人毛竹倚仙姊警彼齒牙蠹生死齟齬內世人
不解奇但識世間事示
之帝所遺惟以溪山睇

鄧遷夏集東城樓

番陟東城樓樓高絕炎暑羣公真
率會勝地羅尊俎落日孤雲馳平

川流水去宿昔抱微尚引領蓬山岨蓬山路
阻深佳期曠何許羣公皆仙才舍此更誰與

陳翰臣渡峽江

雲來峽氣長朝旭動海樹地窮天塹
見下馬問古渡舟凌寒潮征帆帶孤

鳥鶩蒼茫南北回烟岸渺何處中流破急浪恍若經
澗瀨風波銷客魂慘淡起百慮豈不戒垂堂勉強起
歸路登岸憊脫
險回首尚餘怖

魏文煇登鼓山絕頂有贈

九月天氣高金風汎蘭蕙
靈籟振林端羣峯開朗霽

而我愛名山興理山陰柵龐公有遠懷邀我林下憇
遂結汗漫期欲窮九垓裔手攜胡孫藤言覓仙人桂
石門宛自存丹室已云閉飛步歷翠微極目無纖翳
松聲天樂鳴壁影雲旗曳憑虛覽八極渺望無盡勢
俯瞰傲溟渤浩浩東流逝緬彼空中鶴不以虞羅制
羨君學真筌方眼睨塵世邈矣懷高風遐想諧夙契
飄飄望青冥豈為樊籠繫
吾當整雲車五嶽拂長袂

登妙峯

周覽恣名山茲峯信高妙羣山如逐鹿合沓
成奔峭翼翼龍鳳翔於焉結精要彩錯獻多

姿寂歷舍衆竅躡屐託幽尋振衣窮引眺岩花幽自
開嶺猿相叫嘯江橫素練明日淨青山貌散步入禪
闕空對寒山笑緬矣懷康樂興生
臨海嶠千古仰清芬期與爾同調

林俊鼓山

披葦立山椒萬象送遙目天風毛髮寒海
氣昏晴麓獨高俯衆岑靈響遞虛谷帆檣

帶江影駭浪來雪屋景曠懷抱澄杯盤動脩竹清酣
百慮遠意興與雲物觸神飛八極遊蓬萊信東矚身世
一飄絮人事感亂瀑峴首碑雙磨崇
桑尚茲獨樂天竟奚疑賞心亦聊足

陳經邦瑞巖山

海上有名巖靈異夙所仰偶然作薄
遊遂爾愜遐想雲林散清影風泉遞

微響怪石聳虎豹淨土絕烟麴危亭與飛閣仙聖互
來往海竅澄而清一酌萬念爽石門多險邃洞室半
幽敞振衣千仞臺益覺心目廣江山相映帶百里豁
如掌遙天接汗漫薄霧隱蒼莽蓬瀛如可求濠濮烏

足賞悠然物外
情能不愧塵網

陳策鼓山

東隅有佳山，巖崩駭吾目。天風吹我遊，迤邐入深麓。雲間半山亭，旭日升陽谷。撞鐘

何處聲，老僧迓林屋。龍化石壇湫，鳳浴天池。竹崩石束孤藤，疑是不周觸。下界渺河沙，夷島遐可矚。大嶺摩空青，幽壑垂寒瀑。長嘯問山靈，茲遊許吾獨。

王應山春城野望

王春入海甸，條英試青紫。幽鳥聲相求，吾亦悅儔侶。輕策共招尋，層

城重延佇。平楚總蒼然，游目奚窮已。村村社鼓鳴，乘耒茲經始。去冬嗟愆陽，獻歲猶未雨。桔槔理秧田，力作偕婦子。所期元氣調，秋來感禾黍。含哺樂餘生，微名吾何取。

林雲同夾漈山

扪蘿度深筍，懸磴驚如線。靈扃忽以開，觸目生成眩。危石瀉銀流，千尋垂

楚練咫尺對珠簾噴薄日相濺萬壑爭喧
颯千巖競葱蒨精石室亘長空縹緲飛瓊殿

陳學麟凌霄臺大會呈阮澹宇節推

乾坤鍾靈秀七
閩擅奧區烏石

戴巨鼇莫被東南隅層臺跨其巔赤霄近可呼登高
疇能賦風雅久榛蕪我生抑何幸世道今黃虞况逢
主盟者賢哉二大夫襟期黃叔度文采阮元瑜風聲
相感名千里如合符章縫自南楚冠蓋來三吳我閩
亦煥發逸軌共追趨興來走丹鵲佳會成須臾琴鳴
廣陵散酒薦步兵厨半酣岸巾憤騁望經崎嶇千山
橫黛色白雲乍有無長江莽東注流景日以徂因此
感慨并詎可徒歡娛操觚競染翰立言乃良圖人人
雕龍手字字靈蛇珠慚余謝朱紱白首老枌榆敢云
附同調擊節歌康衢盤桓非放曠不比高陽徒更闌
斗已轉欲別乃踟躕萍踪有聚散斯
文諒不孤更願崇明德名與此山俱

林大輅石門滌

寒濤豁欲曙晴巖日初懸坐協滄洲
趣石門生紫烟山人談服食問我掛

瓢年一笑瓊花
在娟娟媚遠天

黃文煥鷄岩天門對古樹

鐵立幾何年排空奮厥武
迷哉芽孽時立意乃千古

踞險屹當闢單生絕象輔施根石流間傲岸不受土
歛見蒼虬升兩岸意氣順天地於此日得辭缺陷苦
穆然情景深前有千峯嫵年年不媚春得夏葉乃吐
開幹詎肯多撐立儼臂股所司各有為幽異靜可數
磨刮星辰光鎮持風雨舞猗歟朽脫皮別開芳秀府
古心鬱亭亭妙緒燦縷縷慣驅幽谷芳吹滿萬山樹

郭子章登鼓山和蔡君謨韻
曾寧開靈境清泚盪心
目披榛躡石梯聽猿度
林麓恍入天台路疑歷王官谷紺宇若騎尾碧霞半
巢屋天風倒海濤聲勢劈岩竹石鼓亦何奇雷雨慣

相觸絕頂削芙蓉孤高延曠曠池頭看浴鳳山腰聽
飛瀑紫嶂臨巖崩丹竈覓幽獨一嘯豁南溟三山空
鼎足

林起龍梨嶺

昨下白鶴林今登大梨嶺石級三千層
疑出霄漢頂陰蹲虎豹窟晴挂虹霓影

危如華嶽脊勢與崑崙等十步九脇息仰觀不可竟
林杪忽微明窅若窺天井罡風颯颯飛細雨若縻綆
直穿磴道窮始覺塵方迥一氣俯茫茫村落同鼃龜
大海際碧天杯中瀉萬頃島嶼浮沃滅中流一舴舺
眇遠神已飛憑虛意逾騁詠奇飽昔聞
壯觀愜今景尚平累未除獨立愁方永

王湛宿超山寺

朝踏山上雲夕結山中月禪扉閑寂
寥塵想於焉絕陰廊翳亂藤石磴埋

殘雪達曙澹無
眠鐘聲在林樾

吳兆武夷小桃源

崢嶸入陶石石逕轉逾窄劃然洞門開斜光一道白龍湫流暗穴鳥

篆繡苔額窮源有古村二三避世客避世非避秦栖心鍊精魄春田自耕刈衣食無需索風動櫻花落雨過藥苗摘鶯啼林木秀大吠暮空碧居然衆山中遂與衆山隔坐久恐迷誤歸路誌前石白雲洞口深似

杜重來迹

趙迪天香臺

梵宇掩清景鑪香夜沉沉松窻寒夜月桂棟宜幽岑蓄以蘭蕙氣抱茲冰雪心

久聞乃俱化靜挹徒盈襟芬芳如可即吾當攜玉琴

陳价夫方廣岩寄陳汝翔徐惟和

春陽動微暄汀草淒以綠捨舟遵壑

崖名勝寄幽騰條風散餘靄曉露猶在竹徑轉路疑窮途危詫行肅綠藤臨絕澗倚石眺平陸履險亦忘

疲經竒每駐足
遙瞻最高頂
隱隱蔽雲木
華閣四五
楹輦飛映山麓
片石覆層巔
宵在如邃屋
上有百丈
泉霏霏酒瑤玉
靈羊出何代
棲止尚空谷
石門競天
巧兩兩相排伏
山僧喜客來
炊黍早已熟
作禮對法
王清齋薦葵菽
朝從樹杪行
暮即雲中宿
欲隱豈須
招所居安事卜
吾將抗箕頽
詎只羨濠濮
寄語同懷
人胡為
嘆羈束

國朝李象元烏石山謁范忠貞祠

勿讀南豐文
知有道
山亭今我來
登眺乃

以烏石名蓬瀛
吾未見斯亦
愜情昔為釋
道區寺
觀間榛荆近祀
范制府祠宇
薦芳馨公父
佐昌運公
學紹家庭得天
浩然氣百折
愈堅貞畫壁
抒忠憤遺
詩泣百靈睢陽
與文山取義
同一誠

御書褒節烈金碧耀日星
亭閣翼左右松竹鬱蒼青
此山雖不高得公實崢嶸
八郡山川拱一島烟霧清
當

年狂逞輩轉盼皆無成而
公神在茲赫赫長如生

趙國麟登鼓山遊喝水巖

出郭塵事靜綠疇鋪蒼茵
邱巽互起伏洲渚相依因

瞳矓初日上遠水光如銀襖襖四五輩柴門閉秋旻
曲徑道山麓松風響梵音石淨不可唾天空若可捫
忽於峻絕處輿行開山村修徑圍短砌石老繡苔紋
紺殿隱叢樹禪闕護白雲牆外折幽境澗底通靈源
磊砢別有洞巉削實無根平橋坦危巘高軒豁遠襟
古桂散清馥琪草垂芳芬摩挲石上字苔蘚多龍文
徑丈考亭蹟巖巖澗之濱仰瞻岩前頂天風吹無垠
攀躋乏濟勝海濤想空聞徘徊石壁下千載有同心

古人如可作
忘歸我亦云

詩七言古

唐周匡物古鏡歌

軒轅鑄鏡誰將去，曾被良工瀉金取。
明月中心桂不生，輕冰面上菱初吐。

蛟龍久無雷雨聲，鸞鳳空踏莓苔舞。
欲向高臺對曉開，不知誰是孤光主。

三橋隱居歌

誰家作橋溪水頭，茅堂四月如清秋。
白雲已過暮山紫，其鳥不鳴春自幽。
掀髯

背向孤舟立，尤記仙源舊曾入。
雨打疎篷醉不知，桃花一夜新流急。

韓偓南浦

月若半環雲若吐，高樓簾捲當南浦。
應是石城艇子來，兩槳咿啞過花塢。
正值連宵

酒未醒，不宜此際兼微雨。
直教筆底有文星，亦應難狀分明苦。

宋歐陽脩嘗新茶呈聖俞

建安缺 三千里京師三月
嘗新茶，人情好先務取勝。
百

物貴早相矜，誇年窮臘盡春欲動。
蟄雷未起驅龍蛇，夜聞擊鼓滿山谷。
千人助叫聲，喊呀萬木寒凝睡不

醒惟有此樹先萌芽乃知此為最靈物宜其獨得天地之精華終朝採摘不盈掬通犀銜小圓復窅鄙哉
蔽雨槍與旗多不足貴如刈麻建安太守急寄我香
朧包裹封題斜泉甘器潔天色好坐中揀擇客亦佳
新香嫩色如始造不似來遠從天涯停匙側盞試水
路拭目向空看乳花可憐俗夫把金鉞猛火炙背如
蝦蟇由來真物有真賞坐逢詩老頻咨
嗟須史共起索酒飲何異奏雅終淫哇

蘇軾和錢安道寄惠建茶

我官於南今幾時嘗盡溪
茶與山茗胸中似記故人

面口不能言心自省為君細說我未暇試評其畧差
可聽建溪所產雖不同一天與君子性森然可愛
不可慢骨清肉膩和且正雪花雨脚何足道啜過始
知真味永縱復苦硬終可錄汲黯少戇寬饒猛草茶
無類空有名高者妖邪次頑獷體輕雖復強浮泛性
滯偏工嘔酸冷其間絕品豈不佳張禹縱賢非骨鯁

葵花玉鏤不易致道路幽險隔雲嶺誰知使者來自
西開緘磊落收百餅嗅香嚼味本非別透紙自覺光
炯炯糝棘團鳳友小龍奴隸日注臣雙井收藏愛惜
待佳客不敢包裹鑽權倖此詩有味君勿傳空使時
人怒
生瘦

黃子肅九山鼇頂

六鼇簸蕩元圃碎三島崩騰失
空翠海風掣斷南山雲分我滄

江半江水臺南巖谷青岌岌奇松怪石作人立山巔
恐有風雨來林徑空濛落花濕水東劣崩見平綠積
霧飛嵐生堪掬蓬萊迢迢幾萬里一碧天光侵寒玉
吟翁回首看不足緩步策驅度空谷誰知咫尺山中
幽望斷殘
碑立修竹

劉子翬黯淡灘

南來甌越無平陸林巒起翠波濤綠
扶輿政恐犯霜露買舟僮可休僮僕

清灘白晝雷霆作亂石驚湍犬牙錯平生珍重千金
軀舟子一篙那可託飄搖一葉勢轉急釜竈傾頽不
能立眼看白浪散銀山蛟螭百怪堂堂出人皆乘險
欲趨利我不安行悔可及吁嗟世路風波猛巧窅危
機暗馳騁江湖溺舟猶自我勢利溺人終
莫省矯情鎮物未足言書此聊為後來警

繆烈獅子巖

幽巖蕭颯商飈起一天灑氣涼如水金井梧飛蘭谷芳長江浪冷蓴魚美鴈字

半側銀鈎歌雲光淨掃光陸離桂花巖下香滿枝隨
意催送到書帷碧潭烟斂琉璃滑素娥乘鸞下天闕
清暉深射水晶宮虛明澄澈蛟龍窟上下天光一鏡
浮水輪碾破一天秋今來古往事悠悠月自升沉水
自流

楊時遊武夷山

西闕崎嶇走秦鹿天下並遂爭羣雄
秋雲翻空鼇足折點黎窺伏如寒蛩

武夷山深水清此避世猶有高人蹤龍泓東注海波湧玉女翠擁秋雲鬆赤霄真骨寫虛壁通泉凡筆慙非工藏舟浮梁跨絕壑隱見似與天潢通當時鷄犬不復見窠巖依舊烟霞籠我來秋杪月既望尚有幽菊埋榛叢天容洗淨雨新霽雲暮四卷清無風掀蓬進棹窮異境注目想見流殘紅回船杖履躡幽徑松竹窈窕環琳宮翠琬溫辭耀華袞金榜大字纏蛟龍自憐病骨掛塵網幔亭高會何由逢解衣歸卧玉鎖碎仰看明月穿疎蓬

李綱武夷行

憶昨退朝門下省槐陰扶疎清晝永瑣憲一枕夢仙山覺來毛骨猶清冷謫官

道出武夷山風景脩然似夢間碧溪九曲山萬壑况值密霧粒烟絜寬慰今日容歸去笑指洞天尋舊路霜清日暖白雲深遙望幔亭天一柱羽人導我遊仙谿翠壁蒼崖晚更奇浩歌快飲縱迴樵星月耿耿風

淒淒曉來換骨岩中看玉潤金堅餘片片三姝駢立
映彤霞二水交流縈素練征鞍欲去更從容仙境靈
蹤豈易逢他日追思不
可到夢魂常過七閩中

趙抃武夷行

武夷之山千萬峯溪水詰曲流其中白
鶴昂昂寫峭壁雕虎長嘯來清風懸崖

蛻骨造化外絕壑駕船神鬼功寒巖禹竈失鷄犬盤
石松檜騰蛟龍行行自喜浣塵俗蕭散玉羽超樊籠
當年此日是高會左仙右仙曲未終紫皇飄然上天
去曾孫虹橋路已窮我生丹心涵太冲欲脫纒鎖追
鴻濛上邀軒轅宴元
圃手摘日月相遊從

鄭昂剛顯廟祀周朴

公昔隱居烏石岡老觀禪師同
道場法主嬾安共徜徉李薛咨

叅互激揚擺脫利欲心清涼是以能全此至剛黃巢
兵亂來福唐公力抗之不肯降欣然引頸齒劍鋸白

乳上湧如雪霜老賊自謂暴無傷纔殺人半於南方
公無爵位至周行史臣不書名不彰後三百年丞相
張夜夢三賢與迎將翼日遊山登公堂宛如夢中貌
昂藏再來為州刺奏章賜名綱顯烈有光葺祠為廟
飭棟梁永與州人奉肴將於薦荔丹與蕉黃歲時
未享以為常我作銘詩刻其旁千萬億載死不亡

朱松止戈堂

高堂巖巖面勢尊洞見萬井開重門元
戎務簡玉帳靜緩帶酌客娛朝昏憶初

餓隸起篁竹一嘯千里來鯨鬣將軍攬鏡媚巾幗何
異博虎驅狐豚只今休父八州牧身佩重寄憂元元
驚塵錯莫羽書密雖有美酒誰同樽沈機且復長轡
御漑懇何啻面血論樓船一夕飛渡海漢家上將來
天昏狂童束手赴烈火雕戈不污妖血痕坐礁飲至
凱歌入船粟往哺遺民存五兵包裹高閣束止戈新
榜真成言便當頻與方外吏徙倚風月星河翻幾年
杜菴飛不守河濟逆氣腥乾坤知公快挽天河手坐

視點虜方遊，覓權輿闕。越聊小試，寧復久此淹。遐藩農桑萬里望，公等願見四海無營屯。

題薛補闕故居

有唐進士薛補闕官兼侍讀開元末懸知野鹿欲銜花，回向桑榆全晚節。

靈武匹馬還京師，伊人駒谷猶遐思。甘同西山採薇歲，團團朝旭升賜谷。照見盤中堆首宿，底用黃金二十斤。燕享鄉間與親族，高山高躅不可攀。歲暮何嫌松桂寒，蘆溪月明誰為看。一似東都故人獨釣桐江灘。

林光朝城山國清塘

燭龍醉卧不開眼，遮空萬里雲張繖。小舟塘外日溶溶，溶漁歌忽

斷荷花風倚巖僧古局，深戶我來跋涉缺肩喘。停更促短筇上怪石，周遭橫萬鼓。况是秋風到此山，惟有孤雲時往還。勞勞百年共纏縛，不似青山長自閒。古人古人嗟已遠，長歌商頌歸未晚。

蔡沈寄朱晦翁

武夷羣岫高崔嵬，隱屏直聳天中開。千尋括地出圭壁，屹屹萬古封蒼苔。

烟霞舒卷朝夕異日月晝夜東西迴寒流詰曲抱巖
足水清沙碧真蓬萊紫京真人玉為杯瓊漿初撥葡
萄醅醉來披雲卧松月松花點點飄香
雪哀猿絕壁聲更長惆悵懷人逮明發

袁樞寄朱晦翁

丹砂九轉世莫傳羽人婀娜飛朝天
淒然風露洗塵世星斗一天隨轉旋

空餘丹鼎在巖谷夜夜紅光騰霽烟天遣紫陽弭絳
節點石成玉公須專朝來金鎖開洞府丹火已灰當
復然離龍坎虎元又元不須人間詢謫仙黃熊咆哮
青兕舞爭欲舐鼎巖苔鞭巖頭風高捲衣袂嘶斷玉
龍雲滿川怡然上池漱瓊液鼓泄下濯丹
溪泉雲間雙鶴倘未下招隱為我歌長篇

朱子答袁樞

此山名自西京傳丹臺紫府天中天似
聞雲鶴時降集應笑磨螿空回旋我來

遠此秋景晏青楓葉赤搖寒烟九還七返不易得干
巖萬壑渠能專同遊有二三子天界此適非徒然渠

郎季子山澤睢傅伯爰登瀛洲僊相逢相得要強
附却恨馬腹勞長鞭黃華未知白雪句畫舸且共清
冷川回船罷酒且嘆息百歲誰復來通
泉盈虛有數豈終極為君出此窮愁篇

鄭樵隱松巖

青嶂迴環畫屏倚晴窓倒入春湖水村
村叢樹綠於藍歷歷行人去如蟻新秧

未抽水田平高低麥隴相縱橫黃
昏孤客忘歸去孤月亭亭雲外生

陳易蒲菴歌

吾結草廬蔡溪側四顧峯巒皆峭壁石
門千仞鎖天津來者欲登那措足住此

菴中是何緣不詩不誦亦不禪
飢來苦菜和根煮疊石為牀因即眠
或停松或坐石靜聽溪泉瀨鳴玉源
深洞邃來不休聲
聲奏盡無生曲

許彌安晉檜行

紫極宮中晉朝檜故老語我今千年
根盤厚地龍蛇走幹薄霄漢星斗懸

元冬飛雪斷人跡貞姿不改平時妍虬枝香葉翠如
幄一子不落寒蒼烟胡為廣廈構梁棟如此大材乃
棄捐伊昔晉朝紛亂日衣冠南渡依江
壩風流王謝各幻化肝膽鐵石還依然

鄧肅黃楊巖

石壁巉巖驚鬼劃異草幽花鎖春色羣
山迤邐不能高突兀獨摩霄漢碧芒屨

千丈上崔嵬手摘星辰足下雷撥破烟雲得洞戶醉
眼恐是天門開入門嗟我森碧玉冷風吹面天花馥
箕踞胡牀揮麈尾萬指難充空洞腹我因避地訪名
山扁舟夜渡沙溪寒辛勤博此一懽笑太平猶在水
雲間猛將今無三角虎狐狸畫號鯨鯢
舞靈巖知有老龍潛挽出人間作霖雨

蔡伯源遊霍童

環海洞天三十六霍童第一好溪山
三花樹上眠黃鶴五粒松邊放白鵬

不知道士歸何處
鐵笛一聲雲水間

方士跡過武夷

丹巖石氣凝高秋碧溪上引天河流
金堂石室不可到玉棺莓苔生古愁

仙人昔乘紫雲去白馬搖鞭在何處茫茫塵世那得
知幔亭空記當年事君不見茂陵松竹已蕭疎乾魚

猶祭同

亭祠

王荳武夷歌

十六洞天天下奇三十六峯名武夷武
夷山中溪九曲曲曲瀉出清漣猗溪南

溪北相對立拔地插天幾千尺或如丹砂丹或如碧
玉碧東望開樓臺南顧儼城壁廩庾積其西車蓋列
其北磊磊落落不可名怪怪奇奇神所刻草木不移
寒暑心巖巒長帶烟霞色皇太姥武夷君幔亭風高
凌紫雲曾孫宴罷滄桑變長劍短鼓空紛紛魏公子
張真人嗜酒一謫八百春功成白日生羽翼巔崖靈
蛻猶如新我欲冥搜極幽遠棹船朝去暮忘返峯回
嶂合忽復迷安得飛梯宿雲巘鸞鶴去兮猿猱啼恍

空中兮聞金鷄石啣足兮濺濺風吹衣兮淒淒洄泐
滌折鎗鈇崔嵬石堂真館豁然中開壑舟不墜棧不
朽至今藥鑪丹鼎鬢鬢千仞之層岫目亦不能盡心
亦不能測桃源風景不復見柯山日月難重得鼓余
柅兮潺湲乘驚波兮下前灘瞬息兮回首失向來兮
贊坑嗚呼列仙高拱兮宅元都三聖繼御兮恢炎圖
措斯世於康乂應皇家兮珥符臣守藩兮南國臣
傾心兮北極山之高兮水之深祝吾皇兮壽千億

黃幹遊靈洞巖

寒碧突兀山之阿足履危磴攀藤蘿
巖下清泉響環佩巖前古木交枝柯

當中洞門忽開豁上有石室高嵯峨我乾坤開闢已呈
露鬼神守護仍麾阿重門黯淡不可入以火來照所
見多出門小洞亦奇絕神龍奮怒吞蛟鼉勝景如此
難再得手倚石壁頻摩挲安有雄思如懸河干言落

筆仍
高歌

復歸桃枝嶺

大溪章溪溪水清上寮下寮山路平三山屹立相犄角百里連亘如長城仰干

雲霄不盈尺俯視天高浮寸碧閒雲吞吐入澗谷飛泉噴灑下石壁中有一山名芙蓉端冕正色羣山空望之可敬不可慢僧言宜與衡嶽同陂陁突兀作雲洞虎豹蹲踞棲鸞鳳聞道前朝開闢日曾住浮屠幾千衆我來已作五日行皇天一雨復一晴穹林杳靄非人世手接羣仙朝玉京曉來更向山前去忽到山翁棲隱處却憶桃源洞裏人日出烟銷忘舊路

張仲達南谷

陽和一夜回春谷暖透梅花初破玉欲將消息訪南枝雪後扶筇過山麓苔徑

縈迴繞石林步入巖壑深復深白雲滿袖歸來晚只在山中無處尋

俞豐遊鳳山

老樹蕭蕭吹古風滿階落葉吟寒蟲插天殿閣雲不鎖挺柱石笋撐青空鳳去

臺空秋寂寂
瑤草離離自青碧
玉簫奏徹渺遺音
十二欄杆閒月色

謝黻遊鳳山

高臺昔日儀鳳凰
於今鳳去臺亦荒
蒼蒼蒼竹實凝寒
露颯颯梧葉生秋涼
西風

返照開晴色
閒步瑤階訪仙蹟
道人誦罷葢珠經
老鶴一聲山月白

謝枋得寓居南山

攜鋤鑿破南山雲
種來修竹凌青冥
參天引風挺蒼玉
匝地印月篩

黃金清瘦何妨惟
却俗淨掃習中塵萬斛
何當裁製十二笛
吹作來儀鳳凰曲

元廬琦九鯉湖

朝躋何嶺頭
暮憇何嶺陬
平生塵跡未
能到今夕何夕
登斯樓九仙跨鯉登仙

去藥竈丹壚幾今古
白雲滿地孤鶴閒
怪木擎空老蛟怒
青山四面相縈迴
流水百折聲如雷
蒼烟長掛屋上樹
細雨忽落庭前
梅花似笑客來
晚客來洞底春猶淺
躡磴安知步履危
採芝自覺心期遠
十年

鉛軛誤此生願借一枕通仙靈中宵夢覺肌骨冷似
聞玉笛空中鳴曙色催人賦離別袖拂松梢墜殘雪
相期枕履重來遊
共濯蒼灣弄明月

遊壺山真淨巖

六月翠壺山下客凌暑登山踰絕壁
支筇徑上真淨巖頭上青天纔咫尺

高僧十載悽巖幽啟扉相見還相留欣然坐我斗室
下滿室嵐氣生清秋開窓一覽數千里滄海微茫等
杯水客帆來往烟雨中人家遠近林巒裏平生讀書
苦不多人事如此將奈何蠅頭蝸角付一笑會當結
屋山之阿

梅山行

赤旗落色漢火微端門日日腥風吹咸陽秋
色壓官樹金人夜泣銅駝悲先生袖疏探虎

窟漢鼎猶堪支一足九重煙霧如海深門外何人知
痛哭賊莽白日升郊臺玉壘墜地聲如雷周公揖讓

孺子戲絳袍將軍何日來塵飛滄海風擲瓦白鶴身
輕快如馬一聲缺苗度閩山月陰風共瀟灑龍爭
虎鬪耳不聞長嘯袖拂松枝雲夜鐙白石煮秋雨風
佩赤錦飄霞裙先生一去已千年尚有當時遺跡在
題詩絕壁寄先生頓使孤峯顏色改藥鑪寂寞秋草
深丹井水落莓苔侵漢家瓦崩灰化土猶有丹光穿
林樹

黃清老天馬山

溪隨天馬西北行半空忽見蓮花生
雙鸞欲下却飛去旌旗引入丹霞城

攀蘿上到猿啼處恍然曠坐消百慮千山無人雲氣
深終日徘徊不能去虛空樓閣時自開異香忽起三
清臺風吹笑語落天半知是神仙騎鶴來百花潭上
春自照白鹿呼人猿亦笑路迷不敢輕問津恐有賢
人隱耕釣蒼崖九折樵徑通絕頂可見西
崆峒塵心豁然臂欲羽竦身直上凌天風

薩都拉黯淡灘歌

長灘亂石如壘齒前後行船如附
蟻逆湍冲擊若登天性命須臾薄

如紙篙者倒挂牽者勞攀岩什石如猿猱十步欲進
九步落後灘未上前灘遭上灘之難難於上絕壁雖
有孟賁難致力灘名况復呼黯淡過客攢眉增嘆息
下灘之舟如箭飛左旋右折若破圍摧呼踏浪權歌
去晴雪灑面風吹衣飛流宛轉亂石隘奔走千峯如
馬快賈客思家一夕還傳語灘神明日賽下灘之易
易如盤走珠瞬息目何可停斯須長風破浪快人意朝
可走越暮可吳乃知逆順恒若此逆者悲愁順者喜
請君聽我黯淡歌順則流行逆斯止順者不必喜
逆者不必愁人生順逆俱偶爾且得山水從遨遊

相逢行贈別舊友治將軍

一年相逢在京口笑解吳
鉤換新酒城南桃杏花正

開白面青山鞭馬走一年相逢白下門短衣窄袖呼
郎君朝馳燕趙暮吳楚逸氣自覺凌青雲一年相逢

在闕下東家蹇驢日相假有如臣甫去朝天泥滑沙
隄不敢打都門一別今五年今年相逢海邊千山
木葉下如雨鴈聲墮地秋連天將軍毳袍腰羽箭擁
馬旌旗照溪面小官不識將軍誰卧病孤舟強相見
豈知此地逢故人摩挲老眼開層雲舊遊歷歷如隔
世夜雨豈不思同羣郎君別後瘦如許母乃從前作
詩苦溪頭落月山館深剪燭猶疑夢中語人生聚散
亦有時且與將軍遊武夷弓刀挂向洞門樹洞裏仙
童來索詩稽首武夷君假我幔峯頂分我紫霞漿與
子連夜飲左手招子喬右手招飛瓊舉觴星月下聽
吹雙鳳笙我酌一杯酒持勸天上月請月長照相逢
人莫向關山照離別鳳聲換曲曲未終天風木杪吹
晨鐘拂衣罷宴下山
去又隔雲山千萬重

洪希文題湄洲嶼聖墩妃宮

我昔纜舟謁江干曾覩
帝子瓊華顏雲濤激射

雷電洶殿閣肆礪魚龍間此洲仙島誰所構面勢軒
豁規層瀾壺山峙秀影倒入乾坤擺脫呈倪端粉牆
丹柱輝掩映華表竦突過飛巒湘君小水幻靈骨虞
帝蹟遠何由攀銀樓玉閣足官府忠孝許入巫咸班
帝憐遐陬雜鯨鯢柄投水府司人寰五雲殿邃巖侍
衛仙衣發駕朝天闕危檣飛火海浪破神鬼役使忘
險艱靈旗毳望廣樂響長風萬里翔孔鸞平湖遠與
天所劃古廟不獨誇黃灣至人何心戀桑梓如水在
地行曲盤升階再拜薦脯藻不以菲薄羞儒酸日談
書史得少暇石橋潛度憑雕闌詩成不覺肝膽醒松
檜翁蒼鳴珮環騎鯨散髮
一長嘯追逐縹緲神風還

黃鎮成桃花巖

小僉山中數塊石上出浮雲幾千尺
寒泉飛下絕澗響老樹倒挂蒼苔碧

巨靈劈斷知何年中有古洞藏神仙蓬萊宮闕浩杳
靄世外別有壺中天巉巖磊塊相緣入雲霧晦明光

景集丹房石室靜無塵虎攫龍拏半空溼山人舊說
桃花巖山高水絕無由探我來正值桃花發長嘯獨
倚春風酣同遊雅士貪幽趣自劖山雲燒荀具兩山
流水一川花依稀似是桃源處世上紛紛吹戰塵山
中道人都聞欲從君住
不可得一聲孤鶴唳空雲

陳旅為趙敬叔賦漢海獸蒲桃鏡鏡為鄭夾漈家故

物

尚方老冶收精銅金膏玉水開瞳矐未央曉月低
青桐六宮秋井生芙蓉當塗妖鬼負神器銅人登

車數行淚寶奩偶落長安市永與人間照珠翠凝陰
空祭江心龍海雨夜入闕王宮一朝愁殺滌上翁破
屋日夜穿晴虹西苑夜露堪作酒中有醕醑
活欲走趙侯得之莫失手龍女鮫童候之久

貢師泰遊元沙寺

連山北起青龍嶷晴天直下雙蛟
龍玉刻肺腑烟重重自是身毒飛

來峯黃金布地貝闕崇萬年之後千歲松亦有野客
如茅容寶劍出匣光芙蓉上方笙磬下方鐘桃花流
水春落溶日高驄馬來相從星斗
錯落錦繡胸愧予江海萍梗蹤

明王恭鷄公墓

荒岡古墓鷄壟邊蔓草離離生野烟孤
狸養子隱荆棘烏鳶作巢銜紙錢石麟

埋沉土花溼雕磚剝落樵人拾天陰燐火暗復明月
下精靈語還泣此墳未必無子孫夙昔傳聞皆宦門
浮榮一去不復盛空餘古木啼清猿誰家新塚高數
尺又買西家墳上石憶昔秦中北邙路喪車轉麟塚
無數黃金買山葬死灰昨日官軍斫墳樹崩塋斷壙
襟苔痕鬪髀無聲眠草根生前意氣動山岳身後淒
涼邈九原君不見羊公峴首石已刻季子延陵碑尚
存錦袍醉倒長安市誰招采石江中覓豈知百年後
身世兩俱沒貴賤終同草上塵升沉且進
杯中物笑矣乎悲矣乎眼中之人今有無

浮峯歌

海門迢遞江水東江心絕巘青芙蓉橫空積
靄幾千丈綠蘿嫋嫋花濛濛深沉玉鏡浮仙

島黛色蒼蒼不堪掃芳草磯頭望欲深夕陽渡口看
還好翠壁江泉萬際天間雲古木相連延嵐烟瀑布
猿聲裏僧舍人家鳥道邊仙舟江上何瀟灑此地
那能駐君馬思爾青雲得志時莫忘幽期綠蘿下

雪峯歌送雲上人

七閩山多似蜀川千巖萬壑疑登
天六華峯高雪作頂五月夜半聞

寒蟬芙蓉石窄人飛過蓮宇經臺尚經火無字碑橫
任鹿眠磨香石冷從猿卧憶昨法園初布金三千緇
錫遶叢林經行龍象諸天影禪寂蛟鼉萬嶺音杉枝
青青低覆地木人也悟如來意五百年光轉眼休重
見真僧出凡世鐔津法侶解楞伽却下九峯登六華
枯木菴前挂如意留香堂上搭袈裟竭來下界相逢
處幸接微言沃甘露鑿齒由來識道安遠公自是奇
元度法舟今去幾時逢塵世空瞻象骨峯歸見住山

相問訊西江
一派是禪宗

籌峯歌送客

海上羣峯一峯別羣山向下如邱垤雲
開華頂見琉球天盡滄波帶吳越元氣

鴻濛溼不飛涼霜五月襲人衣迥臨飛鳥空青外始
識籌峯天下稀石林陰洞何冥密萬籟天聲散秋色
南澗飛泉鶴夢清太陰積雪龍猿白我聞伸蒙子雲
卧清暉裏一旦金馬門名高此山水憶昨伸蒙罵賊
時悠悠往事亦堪悲支離一代忠臣義感激千秋達
士知郎官作縣先名節獨訪遺踪弔前哲載酒惟澆
石上苔回鞭不醉山中月東山歌聲蘭亭筆疎散
當年竟何益願君遺愛比桐鄉功名紀在籌峯石

首石晴雲歌

首石崢嶸高際雲白雲飛處長氤氳浮
空霽色無秋葉拂樹寒雲帶夕曛寒陰

霽色相輝映絕勝巫陽夢中境出岫間將一鶴飛還
山靜入孤僧定青林疊嶂薜蘿間舒卷無心意自閒

巖頭仙客應常卧陌上遊人時暫看有時彷彿從龍
去大地彌漫不知處初將膚寸起盤陀解使蒼生得
霖雨須臾斂盡遙天曙但見清暉落巖戶片片寧隨
霧雨消孤光猶為山陰墅山陰書室寄雲林因向雲
中惜寸陰自笑青雲空
在夢登高且賦白雲吟

碁山詩

逸人共結蕭朱綬六月闕天火雲厚觴熟梅
邊告我行欲行且盡爐頭酒碁山海上古招

提銀甕繩牀興復攜三峯直下幾千丈仙人奕處清
猿啼知君平生愛靈境為君拂拭青蘿影野殿杯浮
蕙草香石渠水浸甘瓜冷祇園樹裏貯行庖斲解塵
衣掛竹梢詩成破却山靈膽醉倒傾翻老鶴巢迴巖
積翠連飛閣遙海蒼蒼暮雲落舞影爭嫌白日斜歌
聲未道離情惡擬從方外寄餘懽云是山僧謁縣官
野鹿回看避仙佩沙禽何意訝儒冠千金流水猶能
注陌上離駒不堪駐願君行到五雲端莫忘碁山送

行處

六平山歌送客

海上羣峯屹相向六平秀出羣峯上
絕巘飛泉掛薜蘿遙天落日開平嶂

華頂雲歸見大荒鴻濛元氣帶扶桑百里人家花外
靜數椽僧舍竹間涼石林蘿徑行人少藥院茅亭絕
氛擾遠澗秋聲鶴夢寒遙巖夜月猿聲小少年才子
日登臨踏歌攀林契賞心興未揮灑蘭亭筆柿葉淋
漓醉墨深谷口驪駒動行色送君遠越金
門客功成早賦歸去來重拂瑤琴苔上石

梅江

君不見梅江浩蕩連滄溟積水不極涵江青未
明先帶扶桑日入夜倒浸銀河星澄波萬頃秋

無盡漠漠遙光海天迥島樹千家烟火深軍城百雉
妖氛寢漁笛吹殘夜落梅空江長見舊潮迴珠潭露
下漁風起鮫室雲歸蚌月來仙源香霧浮花島海色
空濛望中好縣圃滄洲路不通清水黃塵夢難到

雙澗菴

我愛東林古蘭若雙澗迤迤七巖下
花世外開飛泉一道天邊瀉石林青壁掛雙

流上界青天看欲浮寒聲半作千峯雨涼氣都涵六月秋沙門衲子何清淨浣衣洗鉢安禪定五夜焚香禮露臺三時說法鳴烟磬騷人墨客日躋攀誰識醉樵能愛山詩成四壁龍蛇走醉後長歌天地間醉樵忽奉天書去揮毫獨到天光裏畫錦他年得賜歸共借禪扉洗雙耳

送陳景明遊浯水便登方廣巖

閩山西來多法園溪西一道通仙源靈花

貝葉紛相映道林鑿齒皆清言遙巖二月霜花積千丈垂蘿裊烟碧水簾風捲半空寒石室雲來萬山白真僧不見賓頭盧片月孤峯色相癯六時天樂聞鐘磬百尺風潭寫畫圖仙舟此別饒佳趣豈學悠悠尚平去林僧定掃壁間苔山人況有驚人句

為陳必尚題湖山圖

太常積飛翠朝夕侵我廬嚴公湖上水色映靈臺虛鴈峯屋上

三峯峭散帙鳴琴亦高妙半榻閒雲鶴夢清一簾初日藤花笑顧予性癖愛清暉終日相過盡醉歸幾度離家聲別調何時恩許卸朝衣黃花九日高樓酒無那明朝又分手座中應感去年人馬上空攀未霜柳酌酒看山與暫同君家兄弟氣如虹萍蹤自愧無南北聊寄相思水墨中

題林泉學圃軒

吾家書室依林垞日夕清暉多在庭出戶時見花莫近捲帷唯見董山清

蒼苔古木連深曲懸蘿石上孤雲宿露葉垂蘿菘薤香水藤拂檻匏瓜熟任是閑門客到疎自甘蕭散學犁鋤新築小池宜抱甕時開高館復攜書紛紛甲第皆梁肉何事邱園未干祿稚子能妝首荷盤家人解壓葡萄綠寂寂林扉絕四鄰角中野杖亦容身公門若更栽桃李先數林泉種圃人

高棟賦得吳航渡送趙少府之京

君不見吳航渡河上蕭蕭多古樹

根積石長青苔應比昔人繫舟處寂寞寒朝自往還
關河北望空雲山天浮百粵榮光歇海接三吳霸氣
寒吳王城闕幾千載舸艦何年到閩海危檣峻櫓逐
飄風今日吳航名尚在江上年年春草新城頭車馬
往來頻野鳥不知驚候
吏垂楊空自送行人

林鴻賦得無諸城送浦舍人歌

君不見昔時無諸城
荒邱斷壘今人耕陵

谷堙沉知幾代古人精靈今何在憶昔無諸全盛時
都城百雉何逶迤連營國步分秦土繪衮王章入漢
儀河山巍巍那可恃躍馬屠龍今已矣列國猶傳赤
帝封曲臺尚對滄江水滄江水流去不還故宮落日
不堪看寶衣夜化空陵火弓劍秋懸古殿寒故人西
歸從此去策馬秋蕪城下路欲將塵跡問行人落葉

紛紛不
知處

王偁桃溪

清溪一帶緋桃花春來水上流胡麻東風
尋源信瑤權雲中遠見山人家于茲水木

相含景裊裊松杉亂天影少焉林壑衆籟鳴中鴛飛
來片雲冷二三老翁住東陂薜衣霜雪垂兩眉自言
入山歲已久不知世上今何時傳聞有客還驚喜共
薦清泉飯松子烟林霧篠不達人碧草落花應滿地
問余何事在塵寰那似山中日月間乍逢靈境真堪
悅塵緣未謝還成別別後重來定幾時夢遶溪邊綠
蘿月

趙迪分得九仙觀送劉司務之天官

青山一徑連花
竹瑤宮瑤館依

林麓昔聞兄弟九仙人跨鯉成仙巖下宿仙人一去
竟不來落葉行跡空蒼苔石牕無人白雲冷藥鑪有

火芙蓉開春林不辨武陵處陰崖尚憶瑤池路仙樂
時聞太乙宮翠禽聲起勾陳樹鴉浴池邊日未斜洞
門流水秦人家湖光占處知殘雨山色晴中見落花
朝來送君卽傾蓋離筵遠與羣仙會仙人吹笙期子
來碧桃花
下應相待

周元宿猿洞

怪石如雲起天上枯藤蟠根垂百丈蘿
深苔滑鳥不棲索莫寒猿卧相向兩兩

三三往復回啣花映水皆奇狀清秋倒樹風澗號初
日排雲雪巖壯醉客應為巫峽行行人厭作巴山望
洞裏愁聲誰忍聞
別時對此堪惆悵

張以寧五華山

大佛嶺盡小石來黑巖削鐵缺崔嵬
泉翻石根六月雷雨老石路千年苔

我行缺落青山外白雲四望茫如海黛痕三點見蓬
萊明星玉女遙相待九華仙姥昔何之人間有山無

此奇平生酷恨李太白不到閩南獨欠詩

郭波同客西陂泛舟

古池六月官地西霖雨既過水拍堤雲光十里浸樓閣烟波一

望涵玻璃主人好事非一日吾輩亦豈偶然集抱琴盪漿村醪香授衣開篋香風襲落日蘭舟未擬回中流簫鼓隔山隈須臾月出東山頂潭面荷花相映開

趙世顯秋集越王山

君不見越王全盛時東珪開國稱雄奇都城百雉連雲起宮殿

峩峩俯江水甲第參差十萬家提封連亘三千里形勝豪華那可言須臾城闕變邱園白雲秋色含荒壘細草輕烟拂斷垣茫茫天地何終極古往今來空嘆息休論滄海與桑田且把金樽對山色與君共醉越山頭越鳥翩翩越水流極目中
原天萬里狂歌飛壓海雲秋

鄭琰平遠臺懷古

海門夜半六鼇關突出高臺萬山
走怪禽白晝學鬼啼老樹號風作

龍吼臺南臺北幾人家春去春來閱歲
華不見越王歌舞地年年秋雨長蕪葭

沈德琛九仙山懷古

秋樹迎霜節序開扶筇同陟九
仙臺欲揮寫景登高賦且醉當

莛萼菊盃醉餘乘興登山麓芒屨踏破蒼苔綠燒丹
人去跡俱陳廢井千年水猶綠憶昨山門全盛時嵯
我金碧稱絕奇晴曛鷓尾天花散雲護龍頭日月低
而今景物屬誰主紺殿淒涼總非故磊老定理金積
園名山半入榮陽路神仙窟宅無定期百年興
廢會有時鷓鴣啼羅百勞語華屋芳園竟是誰

周文通道峯山

道山峻增千丈高羣峯向下如奔濤
岡巒雲氣互吞吐巖崖瀑布相喧嘈石

梯蟠屈蒼苔冷山開絕頂瞿曇境樹色深藏虎豹闌
日光斜抱魚龍影樓閣高撐起遠空微茫城郭暮烟

中一泓海水秋無際
萬里關河望不窮
嗟予每愛雲松宿
盡日登臨看不足
秀色高峯若可分
擬傍陰巖結茅屋

柯潛遊松隱巖

大山巍巍插天起
小山參差如聚米
長風吹我上高峯
一眺乾坤三萬里

禪房花木深復深
危簷滴露生春陰
白雲滿地石苔古
老鶴一聲山月沉
松窓坐久轉清悄
詩思撩人不
知曉
我欲此地卜幽棲
須待他年濟時了

龍華寺

寶幢峯下烟霞古
老樹如龍欲飛舞
花氣薰成五色雲
泉聲散作千林雨
我愛溪山事

幽錦袍醉踏東風遊
題詩淨掃巖頭石
把酒還登竹外樓
空門自與人間別
夜榻焚香卧清絕
明朝長嘯拂衣歸
閒却
溪風與山月

蒲弄草堂

艾軒先生鳴大宋絕世文才豈天縱橫經講道倡蒲中別構茅堂向蒲弄蒲弄草堂

轟天起倒影平湖三十里渡頭頻繫問奇船門巷紛紛響珠履一從觀化去不來舊基零落荒蒼苔高林日暮鳥相喚廢圃春深花自開花開花落幾今古風教何曾化塵土綿綿書澤猶在人滿邑絃歌比鄒魯我來曾過山之陬夕陽駐馬空回頭九原之竟不可作臨風一嘯雲悠悠

王褒為林元吉題古靈舊隱

閩中山水稱古靈螺江赤岸旗山青荔圃柑園

接島與梅村桃塢散郊垞人家成聚互近遠半在市朝半歸隱門巷逶迤穿綠槐籬落參差夾雲槿此地先賢昔日居兒童應識長者車東鄰機杼朝織練西舍燈火夜讀書故鄉風景亦何有年少交遊恒白首烏府新推從事賢誰道折腰羞五斗因言舊隱似盤谷夢裏惟懷返初服蕙帶蘿衣江上春玉孫幾望天

涯綠長風吹斷空江雲落花歸思同紛
紛寄聲猿鶴遙相待草堂漫賦北山文

李東陽木綿菴

多寶閣中權不足木綿菴前新鬼器
裂胸拉脅安足論天下蒼生已無肉

君王不誅監押誅又讐國憤一時攄
監押死死既不減元城使者空嘔血

徐渭延平津

碧火吹雲煨山紫尤溪礦絕干將死空
令精氣閱豐城石函憶殺延平水司空

臂上青絲斷秋雨生愁別雷煥從此深潭不敢窺九
峯青處摩寒電春雨桃花急鳴峽孤螭夜夢雷家匣
誰教經過值有情那得長隨君佩身為龍為劍非二
物或合或離何所因容子弔古不可測浮天缺母驚
湍織光怪千年猶惑
人風雲欲作當時色

孫昌裔玉融城歌

鯨鯢往歲腥風煽沿海波濤血流
齒玉融城郭如棘籬蕭條林中巢

春燕承平日久雀處堂復霜未雨誰先見丁侯治行
推神明郊村月上鷄犬寧苦節共知心似水憂民羸
得鬢先星登陴考度勞皇恤力採輿謀為改築百世
方知保障功一時寧但歌瞻腹峇嶺新城劈山起綿
亘連雲截海水使君不費一寶緡百雉翬飛五旬裏
岩梯石棧勢巘巘居然天險從茲設峯列劍戟護金
湯蜃吐樓臺銜粉蝶形勝我我峙溟海使君名與城
長在尸祝應同畏壘思陽金頂啟南牀待使君胷中
富甲兵會看麟閣書勲名丈夫
奇畧故應爾何但區區百里城

謝肇淛遊宿猿洞

城南怪石高虎踞春草纍纍長新
墓薜蘿無主洞門扃曾是先朝宿

猿處湛侯當日拂衣歸卜築喜就城南陔齒齒香風
隨釣處荔枝寒影對僧時干旄動枉刺史駕苔壁盡
勒詞人詩蒼苔滿目空延眺荒骨遊燐夜相照一片
孤城有鳥啼千年古洞無猿嘯我來別蘇辨遺文正

值春初山吐雲風流文采
知何處白楊蕭蕭那忍聞

瑞巖寺

城東十里皆海色合沓羣峯散
樹瘴烟青一片梨花曉雲白
曉雲微雨東風

冷厯盡平疇復高嶺曲澗時聞
僧影琳宮碧瓦敞諸天法堂流
水環平田半藏金經
殘貝葉千年石柱繡苔錢萬竿
空根未朽四圍山色倒演漾坐
覺清涼遠塵垢春日
遲遲暖不流嬌絲急管調莖篔
葉瑟瑟疑高秋秋去冬來且復
暮富貴還如草頭露
高歌痛飲騎馬歸
暝鴉啼上冬青樹

送練中丞遺裔歸家并序

金川門之變練公子寧以
御史大夫抗節死闕下闔

門荼毒獨有侍媵抱匝歲予匿
民間得免展轉入閩
為人傭保六世孫綺者為新寧
陳孝廉所立掌書記

萬歷戊戌孝廉計偕入浙有江右楊生應祥同舟先
一夕生夢練生持刺謁己心異之比入孝廉船見書
記侍側雅暫不羣指問何姓答曰姓練生心動叩之
曰得非吾里練中丞之後乎綺不應涕泣滿面生益
驚駭窮詰之具得其狀亟以百金為贖孝廉不受遣
綺綺不肯行日以死殉國人臣之行且九族赤矣歸
將何為生益賢之歸家具白於官當事者以幣來聘
授以布巾俾奉公祠官為置田廬百畝一時聞者莫
不嘆息泣下以為天道有知云 燕山日黑黃塵起
金川門外鼓聲死長樂宮為瓦礫場殿庭血流成海
水御史大夫練子寧手持三尺雷霆覆巢自分無
完卯一門百口歸冥冥事去人忘三百載蘆荻蕭蕭
餘故壘長陵松栢已十圍孤臣遺骨今安在釣龍臺
下今可楫新寧城東山巖喋灌園誰能識法章傭肆
猶堪藏李燮一日天回地轉時千金購出練家兒若
教之鬼終不餒行路聞之皆歔歔我登鍾寧山遙望

石頭城寧為孝儒死不作陳瑛生為
君慷慨終一曲悲風颯颯江波綠

徐勣大王峯觀仙蛻

武夷山高高接天武夷溪清清
且緋三十六峯九曲水魏王曾

此朝羣仙大宴曾孫羅彩屋奏罷人間可哀曲鳳管
龍笙杳不聞浮生一夢成蕉鹿大王峯勢何巋哉丹
梯百折通崔巍仙人一去不復返蛻骨千年猶未灰
區區遺蛻或何用密閉虛巖秘深洞滄海桑田忽變
更玉函金樽應移動惟有當年身外身金丹一粒能
千春長生自古無靈藥不死元來有谷神吾生本是
朝元客暫謫塵緣迷火宅白雪時時灑玉樓丹壺夜
夜流金液借假修真煉九還更從一竅覓元闕返將
神氣虛無裏拋却骷髏天地間君不見海上三山高
拱峙爭傳此地鍾靈閔徐福尋真去不歸方知不在
神山裏又不見西方王母下瑤池青鳥傳書絳節隨
集靈臺上無消息始信仙真非在茲世人莫嘆仙凡

隔凡人皆可登仙藉勿點硃砂與水銀休行運氣兼
調息迴望山川故宛然更期此處上昇天一朝粉碎

虛空後元化

班聯十四仙

賴世隆九龍行

九龍之險無與比江淮河海風波耳
豈如此水怪石多朝夕無風波自起

天開地闢幾春秋何人作俑先泛舟畏途一開不可
塞至今來往行人愁憶昨乘槎秋潦竭清流棹至龍
頭歇朝來減載覓擔夫舟中無物輕如葉舟頭夾起
護波蓬左右絆索俱新櫂舵師不敢自放去別尋本
土人梢龍宰牲酌酒龍王廟拜禱龍王求好善祭罷
潛身急上船相戒舟人莫言笑一篙撐入碧潭心中
流喝采呼神明遙看龍下浪花滾喧天萬壑春雷鳴
青山兩片開圖畫銀河一道當中瀉植牙古木遮雲
霄天日無光晝如夜峽口初過第一龍禹門三汲高
更雄船從天上跌落地回頭白雪翻晴空第二龍中

長且大狂瀾駭浪奔澎湃呼舵應疾若飛生死須
臾不停待三龍纔過四龍迎滿船浪入舟人驚欲尋
小徑自逃死倚天石壁難飛行五龍曲折屢回舵六
龍峻瀨防危禍亂濤勢合如山來船行水底錯將過
嶺下擔夫已度礮息肩沙上候多時行近溪村日將
昃停橈裝載具午炊暫時蘇息難久駐龍上梢公別
我去急流數里至七龍俗傳歷怪留神蹤莫言此龍
作易與前後覆溺在眼中八龍崎嶇猶可畏浪高石
大難迴避九龍出匣到安沙船內人人皆賀喜維舟
上岸扣溪鄰典衣沽酒如更生斜陽無事同暢飲夢
窺夜半
猶頻驚

楊澤麟峯

燕溪北來九十里麟峯突兀凌霄起天公
地母萃精靈鬼斧神鈿破渣滓雕琢三洞

真絕奇琪樹瑤花生紫芝仙宮佛殿在人境瀛洲閬
苑徒言為第一洞中寬十丈高頂團團覆釜樣觀音

羅漢由淳熙金容玉骨慈悲相洞門小閣與雲齊俯
視高山頭盡低八窓洞達坐天上靈氛日映成虹蜺
摸蘿緣磴尋二洞古怪峻嶒妙難調當門兩石如磬
懸朽節黏連欲搖動倒垂數笋形查牙定光睡影浮
素砂龍井深藏瑩明鏡祛妖愈疾同胡麻第三小洞
近佛殿推窓撫檻對人面古碑一道猶可觀談經說
法神通現是時八月寰宇清飄飄兩袖涼
颺輕載拜嵩呼為堯祝萬年寶歷傳皇明

黃裳採蕨行

皇天養民山有蕨蕨根有粉民爭掘朝
掘暮掘山欲崩救死豈知筋力竭明朝

重擔向溪澍濯彼清冷去泥土夫春婦瀟呼兒炊飢
腹雖充不勝苦棠陰諸公知不知朝夕思餐醲與肥
眼飢無策未足怪胡忍剝我民膏脂嗟余忝為斯邑
宰致民多飢欲誰罪見爾奔波心甚慚立馬無言頽
生泚但願皇天憐爾苦五日一風十日
雨雨順風調五穀登蕨根滿山長不取

林魁秋日泛南洲

年年八月秋風清舟人理棹江天
平葛巾登舟涼滿襟咫尺如涉銀

河深青山點點海口沒白露雙雙草頭立漁舸放浪
風葉輕科頭黑背無姓名問水族物說所得苟裏秋
蟬螿似戟其餘釣戶隨烟霧短棹迴檣無定處當家
生理言語疎似與人間不通路波中風景玩不足更
熾晴帆步寒綠長堤宛轉蛟龍蟠稔稻芄芄雲霧颯
野人面目無他異水鳥沙鷗不相忌翠羽舡前作對
飛白雲扇底迎人戲古云海水為桑田足踏平地非
渺然窮天極地理難索眼見烟波化阡陌君看此水
化平田此田化水知何年造化
有常難自久百歲人生復何有

屠隆為史使君題太姥山

闡南海氣何盤迴結秀太
姥高崔巍山橋甫上輒陡

絕天風蓬蓬吼晴雷崖窮路轉不可極忽訝谿硤石
扇開仰視空明逗一線湧出片片層雲來磴道險仄

不容足天陰石滑生寒苔斷崖缺處見堂戶垂蘿梅
覆長松樹落日山深有鬼啼空門歲速無僧住林存
虎跡獸猶驚井吐龍涎水盡腥峯排突兀逾千尺空
嵌玲瓏鑿五丁芒屨行抵國興寺豐碑磨滅祥符字
寶相堪嗟香火殊雕楹尚擬皇居麗東走遙臨萬丈
潭宵深定有虬螭睡寒泉歷歷鑑鬚眉飛瀑時時濺
衣袂絕頂夜宿摩霄空呼嘯真疑帝座通金尊且吸
星河白銀界初吞海日紅南來五嶺憑陵外東去諸
峯指顧中春秋寒暖須臾變高下陰晴迥不同吾聞
太姥主名嶽堯時得仙啟闔鑰朝遊崑閬暮蓬萊來
往笙簫控鸞鶴茲山合是神靈都開牧容成此煉藥
史君丰骨本仙仙五馬專城出守年天教太姥屬封
內應與名山舊有緣絳雪神丹傳玉札綵雲天
樂侑瓊筵我欲尋真來採藥解衣爛醉卧其巔

陳椿暮春湖心亭集同社諸子

西湖一望何家廓太
守嚴高往年鑿秀色

平分甌冶池晴光倒浸無諸郭澄瀾高閣鬱崔巍畫
棟朱簾對水開蘭漿却藏迴岸曲菱歌疑自斷橋來
峇堯烏石天邊起粉堞森森還百雉三竺霏微翠靄
中五城彷彿丹青裏閣道遙連大夢山層巒飛瀑響
潺湲山中勝蹟多磨滅山下遊人空往還竭來狎客
當清宴風送湖心雲幾片麗藻爭誇鄴下才新知并
屬吳中彥可憐江國春欲殘點點飛花落
水灣相逢且盡杯中物莫遣分携興味闌

國朝釋超全武夷茶歌

建州團茶始丁謂貢小龍團君
謨製元豐勅獻密雲龍品比小

團更為貴元人特設御茶園山民終歲修貢事明興
貢茶永革除玉食豈為遐方累相傳老人初獻茶死
為山神享廟祀景泰年間茶久荒喊山歲猶供祭費
翰官茶贖自他山郭公青螺除其弊嗣後巖茶亦漸
生山中借此少為利往年薦新苦黃冠遍採春芽三
日內搜盡深山粟粒空管令禁絕民蒙惠種茶辛苦


甚種田耘鋤採摘與烘焙穀雨屆期處忙兩旬晝
夜眠餐廢道人山容資為糧春作秋成如望歲凡茶
之產準地利溪北地厚溪南次平洲淺渚土膏輕幽
谷高崖烟雨賦凡茶之候視天時最喜天晴北風吹
苦遭陰雨風南來色香頓減淡無味近時製法重清
漳漳茅漳片標名異如梅斯馥蘭斯馨大抵焙時候
香氣昂中籠上爐火溫心閒手敏工夫細巖阿宋樹
無多叢雀舌吐紅霜葉醉終朝采采不盈掬漳人好
事自珍秘積雨山樓苦晝間一宵茶話留
千載重烹山茗沃枯腸雨聲雜沓松濤沸

潘耒宿天游作

夙聞天游竒今識天游路胡麻澗裏
曲磴藏仙掌峯巔狐閣露地高復在

山中央俯看羣岫兒孫行九曲溪邊盡縈折三台峯
對無低昂我來恰值風日美落照層層見蒼紫須臾
皓月行空天白浸千巖淨如水地主好事携尊來一
掃萬古塵襟開濯魄水壺不知冷天風載我浮蓬萊

歌枕不成寐，喔喔天鷄聲。披衣推戶翫，落月寒烟漠。
漠埋山平鴻濛濛，天地不辨色。但聞溪灘流水鳴琮琤。
東方日高嵐氣伏，漸漸峯尖露微綠。忽濃忽淡鮫綃，
橫乍開乍合，波浪感飯罷遊雲始盡。除山川揭露轉，
清靡佳士彈冠新沐後，美人櫛髮曉妝初。六六奇峯
甲閩嶠，茲遊登閣領其要。四時明晦總相宜，雨岫晴
巒盡靈妙。雲海今朝成大觀，何當終歲此盤桓。未飲刀圭先換骨，此身已在白雲端。



福建通志卷七十六